



南山律作持系列

三皈依 五戒 八關齋戒 簡法  
三皈依 五戒 八關齋戒 儀軌  
在家菩薩戒 出家剃度 儀軌

合訂本

福鼎平興寺



# 凡例

一、此《儀軌》所依經典，以南山三大部（《行事鈔》《戒本疏》《羯磨疏》）及相應靈芝註疏（《行事鈔資持記》《戒本疏行宗記》《羯磨疏濟緣記》）為主，另參照其他經論，及《弘戒法儀》《傳戒正範》等古德律疏。

二、凡正受三皈、五戒、八戒等文，依南山註疏而出；其餘行事次第，為南山註疏所不詳者，則參照《弘戒法儀》《傳戒正範》等古德律疏。

三、腳註中，《事鈔記》即指《四分律刪繁補闕行事鈔資持記》。《隨機羯磨》即指《四分律刪補隨機羯磨》；《業疏記》即指《四分律刪補隨機羯磨疏濟緣記》。《戒疏記》即指《四分律含註戒本疏行宗記》。

四、文中所引用南山三大部及相應靈芝註疏文字，依天津刻經處刊本為底本，分卷、頁碼仍就原本。

五、除南山三大部及相應靈芝註疏之外的引文，依《大正藏》或《卍續藏》爲底本，分卷、頁碼仍就原本。

六、若所引文字依原文未加任何改動，則註中直接以經典名稱開頭。若所引文字在原文基礎上有所改動，或僅引述原文大意者，則註中在經典名稱前加「參見」二字。

七、藏經原文中「皈依」多作「歸依」，爲順應今時習慣，避免歧義，統一作「皈依」。

八、如有生僻異體字，爲使閱讀流暢、解義清晰，改作常用正體字，不一一出註。常見異體字，則不做改動。

# 序

三皈、五戒、八戒，實乃學佛之始、成佛之因。論其義理與持犯之相狀，非久學之士，莫知其義。故欲受皈戒者，應於受前禮請法師爲其宣講，解其大義及持犯之相，然後受之。不然，臨時受之，不免有不得戒之嫌。受戒者須知之！今編此儀軌，旨爲行事方便，有關義理與持犯之相，僅略而述之。況且三皈儀軌，古來有多種版本，皆大同小異。然學者須知：得戒與否，在於受戒者之發心淳薄、遮難有無、語聽明昧、羯磨如非，餘開導、請聖等，皆爲接俗之方便，而非得戒之關鍵。

因此，今編此儀軌，羯磨之文俱依《行事鈔》《羯磨疏》等南山著述；餘古師律著，爲行事流暢，斟酌引用。仍不免有疏漏之處，望有學之士賜教指正，使戒法得以長存，廣爲流布是幸！

## 目錄

### 授居家二眾三皈依簡法

一、請師	1
二、示三皈義	1
三、讚三皈	2
四、示皈依之發心	3
五、悔過	4
六、正受・三皈三結	4
七、發四弘誓願	6
八、勸依教奉行	6
九、回向	7
授居家二眾五戒簡法	
一、請師	8
二、示五戒義	8
三、讚五戒之功德	9
四、勤發上品心	10
五、懺悔	11

### 授居家二眾八關齋戒簡法

六、問遮難	11
七、正受・三皈三結	13
八、宣戒相	13
九、發願	15
十、回向	16
授居家二眾八關齋戒簡法	
一、請師	17
二、示八戒義	17
三、讚八戒功德	18
四、勤發上品心	19
五、懺悔	20
六、問遮難	21
七、三皈三結	22
八、宣戒相	22
九、發願	24
十、回向	24

附：自誓受八關戒齋法	25
------------	----

## 授居家二眾三皈依儀軌

一、請師	28
二、示三皈義	30
三、讚三皈功德	31
四、請聖	32
五、懺悔	34
六、正受三皈	35
七、發願	37
八、勸依教奉行	37
九、回向	39

## 授居家二眾五戒儀軌

一、請師	41
二、開導	42
三、歎戒之功德	44
四、請聖	45
五、懺悔	47
六、問遮難	49

## 授居家二眾八關齋戒儀軌

七、受三皈	50
八、宣戒相	53
九、發願	54
十、囑誨	55

一、請師	59
二、開導	60
三、歎戒之功德	61
四、請聖	63
五、懺悔	65
六、問遮難	66
七、正受	67
八、宣戒相	70
九、發願	71
十、回向	72

## 授居家二眾菩薩戒儀軌

△授前請戒懺悔儀	74
一、請戒開導	74

(一)、請和尚法	74
(二)、乞戒作白	77
(三)、和尚開導	78
(四)、回向	84
二、審戒懺悔	85
(一)、集眾迎師	86
(二)、正審戒遮	91
(三)、懺悔	95
(四)、回向	95
△正授菩薩戒儀	97
一、敷座結壇	97
二、請師入壇	98
三、禮敬三寶	101
四、正請師法	102
五、開導戒法	103
六、請聖證盟	104
七、受四不壞信	107
八、懺悔三業	109
九、發大誓願	111

## 出家剃度儀軌

十、正受戒體	115
十一、宣說戒相	117
(一)、六重	117
(二)、二十八輕	118
十二、祝讚回向	121
一、單白告眾	126
二、預請師法	127
(一)、請維那師	127
(二)、請和尚	127
(三)、請阿闍黎	128
三、選處設座・師僧入堂	128
四、正請師法	129
五、策導禮佛	131
六、落髮・披衣	132
七、授皈依誡	133
八、祝讚回向	135



# 授居家二眾三皈依簡法（人少時促可用此儀）

## 一、請師

○凡欲受三皈者，隨情詣一比丘或比丘尼所（若無，可到寺院客堂申請），具足威儀，合掌告云：

大德慈悲！我某甲欲盡形壽皈依佛法僧三寶，願大德爲我作三皈證明人。（三說）

◇師許已，或客堂安排師父已，至大殿或有佛像所，先教燒香供養，次教禮三寶及本師世尊，後禮戒師。師爲說善惡法及皈依之義，令識邪正，生其欣厭，開拓心神。

## 二、示三皈義

◇皈依師禮佛坐定之後，受皈依者雙膝長跪，兩手合掌，皈依師略爲開示皈依三寶的意義。

●皈依師云：

所謂三皈者，皈依於佛、法、僧三寶也。三寶義甚廣，有種種區別。今且就常人最易了解者，略舉之。佛者，如釋迦

牟尼佛、阿彌陀佛等諸佛是也；法者，爲佛所說之法，或菩薩等依據佛意所說之法；僧者，如菩薩、聲聞諸賢聖眾，下至僅剃髮披袈裟者是也。皈依者，皈向依賴之義。皈依於三寶者，乞三寶救護也。<sup>①</sup>

今依此住持三寶，而會歸理性三寶。依佛爲師，即覺悟也；依法爲師，即軌範也；依僧爲師，即清淨無諍無染也。

### 三、讚三皈

●皈依師續云：

汝等既知皈依之大意，今示汝等皈依之功德。

《灌頂經》云：受三皈者，有三十六善神，與其無量諸眷

① 參見弘一大師撰《授三皈大意》，（見《弘一大師全集》第一冊303頁・福建人民出版社2010年版）。

屬，守護其人，令其安樂<sup>①</sup>。

《校量功德經》云：四大洲中滿二乘果，有人盡形供養，乃至起塔，不如善男子、善女人以淳淨心作如是言：我某甲皈依佛、皈依法、皈依僧。所得功德不可思議，以諸福中三寶勝故<sup>②</sup>。

#### 四、示皈依之發心

●皈依師開示云：

汝等既知皈依有如是功德，今發心皈依三寶，需自覺自願，由己內心發正願心、發上品心。如何發上品心？應當言：我今發心皈依三寶，為成三聚戒故，趣三解脫門，正求泥洹果。

① 參見《佛說灌頂經》卷第三（《大正藏》第21冊・503頁中）。  
② 參見《佛說希有校量功德經》（《大正藏》第16冊・784頁中、下）。

又以此法引導眾生，令至涅槃，令正法久住。如是發心，方  
可得清淨皈依之體。

## 五、悔過

◇《事鈔》云：「以信邪來久，妄造非法，今創歸投，必翻邪業。《阿含》等經，並令先悔。《涅槃》云：發露諸惡，從生死際所作諸惡，悉皆發露，至無至處。」<sup>①</sup>必論設懺，隨時誦習，亦得通用。

●皈依師教，受皈依者念懺悔過。（念三遍，每遍就地一拜。）

往昔所造諸惡業，皆由無始貪瞋癡。  
從身語意之所生，今對佛前求懺悔。

## 六、正受·三皈三結<sup>②</sup>

●三皈。本應自說，如或不能，師應教授。（念三遍，每遍就地一拜。）

① 《事鈔記》卷三十九·十六頁後；另參見《大般涅槃經》卷第九（《大正藏》第12冊·418頁下）。  
② 參見《隨機羯磨》卷上·十五頁後。

和尚云

受皈依者答

（各種法名）弟子某甲，

盡形壽皈依佛，盡形壽皈依法，盡形壽皈依僧。

●三結。（念三遍，每遍就地一拜。）

和尚云

受皈依者答

（各種法名）弟子某甲，

盡形壽，皈依佛竟，皈依法竟，皈依僧竟。

●增上戒法。（念三遍，每遍就地一拜。）（註：此段增上戒文，可取可捨。）

和尚云

受皈依者答

（各種法名）弟子某甲，

皈依佛竟，寧捨身命，終不皈依天魔外道；

皈依法竟，寧捨身命，終不皈依外道典籍；

皈依僧竟，寧捨身命，終不皈依外道徒眾。<sup>①</sup>

① 參見《優婆塞戒經》卷第三（《大正藏》第24冊・1038頁上）。

## 七、發四弘誓願

●皈依師教念三遍，每遍就地一拜。

眾生無邊誓願度，煩惱無盡誓願斷，  
法門無量誓願學，佛道無上誓願成。

## 八、勸依教奉行

●皈依師開示勸依次修學

汝等既已皈依三寶，已得救護，所獲功德不可思議。汝等當生大歡喜，生希有想，愈增深信，愈堅弘願，出煩惱淵，至菩提岸。今所受三皈，以爲出世正因，但須行四正行。

所謂四正行者：一、親近善知識；二、聽聞正法；三、如理作意；四、法隨法行。修此四正行，慎勿退失，謹守修行，汝能依教奉行否？

○受皈依者答：能依教奉行。

## 九、回向

皈依功德殊勝行，無邊勝福皆回向；  
普願沉溺諸眾生，速往無量光佛刹。

十方三世一切佛，一切菩薩摩訶薩，  
摩訶般若波羅蜜。

至此，受三皈依功德圓滿，皈依師下座禮佛之後，受皈依者禮謝皈依師。普通爲三拜，實則禮僧，但有一拜即可。  
待皈依師出已，禮佛三拜。

以上所擬簡式皈依，不必唱，但能念得字字分明，使受皈依者能夠領受即可。

## 授居家二眾五戒簡法

（人少時促可用此儀）

### 一、請師

○凡欲受五戒者，隨情詣一比丘或比丘尼所（若無，可到寺院客堂申請），具足威儀，合掌告云：

我某甲欲盡形壽受五戒，願大德爲我作五戒阿闍黎，慈愍故。

三說

◇師許已，或客堂安排已，至大殿或有佛像所，先教禮三寶及本師釋迦世尊，次禮戒師，然後受之。

### 二、示五戒義

●和尚開示云：

所謂五戒者，即不殺生、不偷盜、不邪淫、不妄語、不飲酒也。此五戒者，前四戒爲性戒，後之一戒爲遮戒。

所謂性戒者，謂性是不善，能爲雜染，損惱於他；能爲雜染，損惱於自。雖不遮制，但有現行，便生惡趣；雖不遮制，



但有現行，能障沙門<sup>①</sup>。

所謂遮戒者，聖未制前，造作無罪，由非正業，無妨福善；自制已後，塵染更深，妨亂修道，招世譏謗，故名遮也。<sup>②</sup>

### 三、讚五戒之功德

●和尚續開示云：

諸善男子、善女人！汝等既知五戒大義，今示汝等持戒之功德，汝等須知戒之功德不可思議。

如《大智度論》云：「大惡病中，戒爲良藥；大恐怖中，戒爲守護；死闇冥中，戒爲明燈；於惡道中，戒爲橋樑；死

① 參見《瑜伽師地論》卷第九十九（《大正藏》第30冊・869下）。  
② 參見《戒疏記》卷五・五十七頁後。

海水中，戒爲大船。」<sup>①</sup>

又如《校量功德經》云：有善男女，布施滿四天下眾生四事供養，盡於百年，不如一日一夜持戒功德。<sup>②</sup>

《長阿含經》云：「凡人持戒，有五功德。何謂爲五？一者，諸有所求，輒得如願；二者，所有財產，增益無損；三者，所往之處，眾人敬愛；四者，好名善譽，周聞天下；五者，身壞命終，必生天上。」<sup>③</sup>

## 四、勤發上品心

◇《資持記》云：森然萬境，何事非持？若不先發，行自何生？故知受前預須委學。今時昧教，誰復知之！<sup>④</sup>

① 《大智度論》卷第十三（《大正藏》第25冊・153頁下）。

② 《隨機羯磨》卷上・十五頁後；另參見《佛說希有校量功德經》（《大正藏》第16冊・785頁上）。

③ 《長阿含經》卷第二（《大正藏》第一冊・12頁中）。

④ 參見《事鈔記》卷八・二十一頁後。

●和尚開示云：

汝等既知戒有如是功德，當發上品心，得上品戒。云何上品心？謂我今發心受戒，爲成三聚戒故，趣三解脫門，正求泥洹果。又以此法引導眾生，令至涅槃，令正法久住。<sup>①</sup>

## 五、懺悔

●和尚教，受戒者隨。（念三遍，每遍一拜。）

往昔所造諸惡業，皆由無始貪瞋癡。  
從身語意之所生，今對佛前求懺悔。

## 六、問遮難<sup>②</sup>

●和尚問，受戒者答。

① 參見《事鈔記》卷八·二十五頁前。  
② 參見《隨機羯磨》卷上·十六頁前。

汝不曾盜現前僧物否？

答：無。

汝不曾於六親所，比丘、比丘尼所，行不淨行否？

答：無。

汝不曾父母師長有病棄去否？

答：無。

汝不曾殺發菩提心眾生否？

答：無。

●和尚續開示云：

汝等既無遮難，可爲汝等授五戒。此戒甚難，能爲聲聞、菩薩戒而作根本。善男子、善女人！戒有五種，始從不殺生，乃至不飲酒。若受一戒，是名一分優婆塞<sub>夷</sub>；具持五戒，名爲滿分優婆塞<sub>夷</sub>。汝等欲受何分之戒，當隨意受。

## 七、正受・三皈三結<sup>①</sup>

●三皈。和尚教，受戒者隨。（念三徧，每徧一拜。）

和尚云

受戒者答

（各種法名）弟子某甲，皈依佛、皈依法、皈依僧，盡形

壽爲<sup>滿分</sup>優婆塞<sup>多分</sup>，如來、至真、等正覺，是我世尊。（三徧）

一分

●三結。和尚教，受戒者隨。（念三徧，每徧一拜。）

和尚云

受戒者答

（各種法名）弟子某甲，皈依佛竟、皈依法竟、皈依僧竟，

盡形壽爲<sup>滿分</sup>優婆塞<sup>多分</sup>，如來、至真、等正覺，是我世尊。

一分

## 八、宣戒相

●和尚云：

今當示汝戒相，汝諦聽受之。

① 參見《隨機羯磨》卷上・十六頁前。

●和尚問，受戒者答。（註：能受持哪條戒，宣戒相時，答言「能持」；若不受，不答。）

盡形壽不殺生，是優婆塞戒，能持否？

答言：能持。

盡形壽不偷盜，是優婆塞戒，能持否？

答言：能持。

盡形壽不邪淫，是優婆塞戒，能持否？

答言：能持。

盡形壽不妄語，是優婆塞戒，能持否？

答言：能持。

盡形壽不飲酒，是優婆塞戒，能持否？

答言：能持<sup>①</sup>。

●和尚囑累云：

是爲在家人五戒，汝盡形受持。當供養三寶，勸化作諸功德。年三月六，常須持齋。用此功德，回施眾生，果成佛道<sup>②</sup>。

既受三皈五戒，可得縵衣著身。

（註：受戒者若有縵衣，可說此語及下偈文；若無，不說。）

●偈云：

① 參見《隨機羯磨》卷上·十六頁後。  
② 《事鈔記》卷三十九·二十頁後。

善哉解脫服，鉢吒禮懺衣。我今頂戴受，世世常得披<sup>①</sup>。

## 九、發願

●和尚開示云：

善男子、善女人等！受五戒已，更發誓願。世出世間之事，若不發願，則無以成。謂福若無願，如畫無膠，如馬無轡；如陶家器，雖成其坯，未經火煅，終不堪用。須要福願相資，方成勝用。汝等一一至心合掌，隨我發願<sup>②</sup>：

●和尚教，受戒者隨：

眾生無邊誓願度，煩惱無盡誓願斷。  
法門無量誓願學，佛道無上誓願成。

① 《毘尼日用切要香乳記》卷下（《卍續藏》第60冊・207頁下）。  
② 參見《弘戒法儀》卷上（《卍續藏》第60冊・581頁中）。

●發願已，和尚勸告云：

既已發心受戒，即應依教奉持，能依教奉行否？

○答云：能依教奉行。

## 十、回向

受戒功德殊勝行，無邊勝福皆回向。

普願沉溺諸眾生，速往無量光佛剎。

十方三世一切佛，一切菩薩摩訶薩，摩訶般若波羅蜜。

至此，受五戒功德圓滿，戒師下座禮佛之後，受戒者禮謝戒師。待戒師出已，禮佛三拜。以上所擬授五戒簡式，不必唱，但能念得字字分明，使受戒者能夠領受即可。



# 授居家二眾八關齋戒簡法（附：自誓受八關齋戒法）

## 一、請師

○凡欲受八戒者，隨情詣一比丘或比丘尼所（若無，可到寺院客堂申請），具足威儀，合掌告云：

我某甲欲受八關齋戒，願大德爲我作八戒阿闍黎，慈愍故。

說三

◇師許已，或客堂安排已，至大殿或有佛像所，須教禮三寶及本師釋迦世尊，次禮戒師，然後受之。

## 二、示八戒義

●和尚開示云：

所謂八關齋戒者，以八戒爲體：即不殺生，不偷盜，不婬欲，不妄語，不飲酒，不歌舞倡伎、故往觀聽，不著華香瓔珞、香油塗身，不高勝牀上坐，不非時食。

此八關齋戒，云「戒」、云「齋」、云「關」者，眾名乃

異，莫不攝淨歸心也。言「八戒」者，「八」即所防之境，「戒」則能治之業。言「八戒」者，「齋」謂齊也，齊一其心；或言清也，靜攝其慮，如世閑室，亦號齋也。言「關齋」者，即禁閉非逸，靜定身心也<sup>①</sup>。

凡持齋者，須過午不食，非謂素食爲齋。

### 三、讚八戒功德

●和尚開示云：

汝等既知八戒大意，今示汝等持戒之功德<sup>②</sup>。

《薩婆多論》云：經說作閻浮王，於人中寶，一切自在，

① 參見《業疏記》卷十·三十五頁前。  
② 參見《業疏記》卷十·三十八頁前。

不如八戒十六分一。<sup>①</sup>

《善生經》云：除五逆罪，餘罪消滅。由於一期誓心清淨，行同無著，故能割斷諸業罪也。<sup>②</sup>

《大智度論》云：譬如輒將將兵，終竟無勳；健將破敵，一日之中功蓋天下。五戒、八戒，其相同此。良由五但離邪，未能清絕；八行全淨，相同無漏，約期乃少，取行則多，故功益彼。<sup>③</sup>

## 四、勤發上品心

◇《資持記》：森然萬境，何事非持？若不先發，行自何生？故知受前預須委學。今時昧教，誰復知之！<sup>④</sup>

① 參見《薩婆多毘尼毘婆沙》卷第一（《大正藏》第23冊・509頁上）。

② 參見《優婆塞戒經》卷第五（《大正藏》第24冊・1063頁中）。

③ 參見《大智度論》卷第十三（《大正藏》第25冊・160頁中）。

④ 參見《事鈔記》卷八・二十一頁後。

●和尚開示云：

汝等既知戒有如是功德，當發上品心，得上品戒。云何上品心？謂我今發心受戒，爲成三聚戒故，趣三解脫門，正求泥洹果；又以此法引導眾生，令至涅槃，令正法久住<sup>①</sup>。

## 五、懺悔

●和尚教，受戒者隨：（念三遍，每遍就地一拜。）

往昔所造諸惡業，皆由無始貪瞋癡，  
從身語意之所生，今對佛前求懺悔。

●和尚教，受戒者隨：（念三遍，每遍就地一拜。）

和尚云

受戒者答

（各稱法名）弟子某甲，若身業、口業、意業不善，貪瞋

① 參見《事鈔記》卷八·二十五頁前。

癡故。若今世、先世，有如是罪，今日誠心懺悔，三業清淨，受行八齋<sup>①</sup>。

## 六、問遮難<sup>②</sup>

●和尚云：

既已懺悔往業，今問汝等遮難。若無遮難，方可受戒。汝應一一實答。

●和尚問，受戒者答：

汝不曾盜現前僧物否？

答：無。

汝不曾於六親所，比丘、比丘尼所，行不淨行否？

答：無。

汝不曾父母師長有病棄去否？

答：無。

汝不曾殺發菩提心眾生否？

答：無。

① 參見《事鈔記》卷三十九・二十三頁後。  
② 參見《隨機羯磨》卷上・十六頁前。

## 七、三皈三結<sup>①</sup>

●三皈。和尚教，受戒者隨：（念三徧，每徧一拜。）

和尚云

受戒者答

（各種法名）弟子某甲，皈依佛、皈依法、皈依僧，一日

一夜爲淨行優婆塞夷。

●三結。和尚教，受戒者隨：（念三徧，每徧一拜。）

和尚云

受戒者答

（各種法名）弟子某甲，皈依佛竟、皈依法竟、皈依僧竟，

一日一夜爲淨行優婆塞夷竟。

## 八、宣戒相<sup>②</sup>

●和尚云：今當示汝戒相，汝諦聽受之。

●和尚問，受戒者答：（註：此八戒與五戒不同，五戒可分受，八戒須全受，故答時須全答「能持」。）

① 參見《隨機羯磨》卷上·十七頁前。  
② 參見《隨機羯磨》卷上·十七頁前。

如諸佛盡形壽不殺生，

汝等某甲

一日一夜不殺生，能持否？

答：能持。

如諸佛盡形壽不偷盜，

汝等某甲

一日一夜不偷盜，能持否？

答：能持。

如諸佛盡形壽不婬欲，

汝等某甲

一日一夜不婬欲，能持否？

答：能持。

如諸佛盡形壽不妄語，

汝等某甲

一日一夜不妄語，能持否？

答：能持。

如諸佛盡形壽不飲酒，

汝等某甲

一日一夜不飲酒，能持否？

答：能持。

如諸佛盡形壽離華香瓔珞、香油塗身，

汝等某甲

一日一夜離華香瓔珞、

香油塗身，能持否？

答：能持。

如諸佛盡形壽離高勝牀上坐，及作倡伎樂、故往觀聽，

汝等某甲

一日

一夜離高勝牀上坐，及作倡伎樂故往觀聽，能持否？

答：能持。

如諸佛盡形壽離非時食，

汝等某甲

一日一夜離非時食，能持否？

答：能持。

## 九、發願

●和尚云：受戒已竟，當發四弘誓願。

眾生無邊誓願度，煩惱無盡誓願斷，  
法門無量誓願學，佛道無上誓願成<sup>①</sup>。  
（三徧三拜）

●和尚教，受戒者隨：

我今以此八關齋功德，不墮惡趣、八難、邊地。持此功德，  
攝取一切眾生之惡。所有功德，惠施彼人，使成無上正真之  
道。亦使將來彌勒佛世三會，得度生老病死<sup>②</sup>。

## 十、回向

●和尚教，受戒者隨：

① 《弘戒法儀》卷下（《正續藏》第60冊・605頁下）。  
② 參見《隨機羯磨》卷上・十七頁後。



受戒功德殊勝行，無邊勝福皆回向。  
普願沉溺諸眾生，速往無量光佛刹。

十方三世一切佛，一切菩薩摩訶薩，  
摩訶般若波羅蜜。

至此，授八關戒齋功德圓滿。師下座禮佛之後，受戒齋者禮謝戒師。待戒師出已，禮佛三拜。  
以上受戒齋簡式，不必唱，但能念得字字分明，使受戒者能夠領受即可。

## 附：自誓受八關戒齋法

◇《事鈔》云：「《薩婆多》等云：若從五眾受。必無人者，但心念口言，自歸三寶，我持八戒亦得。」<sup>①</sup>

《隨機羯磨》云：「《論》中令五眾受之。《成實》云：若無人時，但心念口言，乃至我持八戒，亦得成受。」<sup>②</sup>《業疏》釋云：「《多論》五眾通授者，皆是弘法之人。《成》《智》二論開自受者，非謂常途。故彼文云：若無人時，得心念受。明緣開也。」<sup>③</sup>（雖有此開，還是盡可量在出家五眾邊受八關戒齋為好。）

準此，若無出家五眾可為授戒，居家二眾可於佛前自誓受八關戒齋。先應嚴淨處所，於佛前香花供養，具儀禮拜。次應如前次第，懺悔業障，自省有無遮難。必無遮難，可於佛前心念口言，三皈受戒。

① 《事鈔記》卷三十九·二十三頁前。

② 《隨機羯磨》卷上·十六頁後。另可參見《成實論》卷第八（《大正藏》第32冊·333頁下）。  
③ 《業疏記》卷十·四十頁前。

### ○三皈三結

○於佛前心念口言：

我某甲皈依佛、皈依法、皈依僧，一日一夜爲淨行優婆夷<sub>塞</sub>。  
我某甲皈依佛竟、皈依法竟、皈依僧竟，一日一夜爲淨行優婆夷<sub>塞</sub>竟。  
(說三徧，每徧一拜)

### ○自誓受持

○於佛前心念口言：

如諸佛盡形壽不殺生，我某甲亦一日一夜不殺生。  
如諸佛盡形壽不偷盜，我某甲亦一日一夜不偷盜。  
如諸佛盡形壽不姪欲，我某甲亦一日一夜不姪欲。  
如諸佛盡形壽不妄語，我某甲亦一日一夜不妄語。  
如諸佛盡形壽不飲酒，我某甲亦一日一夜不飲酒。  
如諸佛盡形壽離華香瓔珞、香油塗身，我某甲亦一日一夜離華香瓔珞、香油塗身。

如諸佛盡形壽離高勝牀上坐，及作倡伎樂、故往觀聽，我某甲亦一日一夜離高勝牀上坐，及作倡伎樂、故往觀聽。

如諸佛盡形壽離非時食，我某甲亦一日一夜離非時食。

受戒后，如前次第，發願、回向。

# 授居家二眾三皈依儀軌

（集體人多時，可用此儀軌）

## 一、請師

◆求受三皈者集入堂中，引禮師呼：

諸善男子、善女人等，一齊向上排班，聞磬聲禮佛三拜。拜已問訊，分班。  
迎請者八人出班，二人執香，迎請和尚。

註：按傳統請師儀軌，請和尚須八人。然此為對俗施教，迎請者人數，可根據實際情況酌情減少。

◆至師所，聞磬聲問訊。引禮師呼：

末後先行。

●師至堂，舉《香讚》，師拈香，禮佛陞座。維那舉讚：

性覺靈明，寂照真常。昔迷今悟露堂堂，三寶是慈航。一  
瓣心香，皈禮法中王。

南無香雲蓋菩薩摩訶薩。（三稱）

◆維那師呼：

上香。復位。諸善男子、善女人等，一齊向上排班，聞磬聲至誠頂禮三拜。

◆悅眾師敲引磬，禮佛已，維那師呼：

長跪，合掌。

◆維那師云：

夫蓮花出陸，須憑法水之滋；淨念超凡，應藉宗師之指。若不依僧，何能知法？苟非皈佛，無以出塵。汝等現善男女身，具如來體，將欲破妄歸真，須先住俗從道。既已發圓成意，秉殷重心，久慕明師，專求大法，我爲汝等，謹請<sup>上</sup>某<sup>下</sup>某律師，登寶王座，應水月機。開演自性之皈依，教授利生之戒善。請師之語，汝合自陳，恐汝未能，我今教汝。汝當至誠隨我啟請：

大德一心念！我弟子<sup>各稱法名</sup>，今請大德爲三皈本師，願大德爲我作三皈本師。我依大德故，得受清淨三皈。慈愍故<sup>①</sup>！

◆維那師呼：作禮一拜。（三請三叩，第三遍稱「大慈愍故」。）

① 參見《弘戒法儀》卷上（《卅續藏》第60冊・577頁中、下）。

## 二、示三皈依義

●和尚開導云：

汝等既已殷勤申請，可爲汝等受三皈依。所謂三皈依者，皈依於佛、法、僧三寶也。三寶義甚廣，有種種區別。今且就常人最易了解者，略舉之。佛者，如釋迦牟尼佛、阿彌陀佛等諸佛是也；法者，爲佛所說之法，或菩薩等依據佛意所說之法；僧者，如菩薩、聲聞諸賢聖眾，下至僅剃髮披袈裟者是也。皈依者，皈向依賴之義。皈依於三寶者，乞三寶救護也<sup>①</sup>。故《薩婆多論》云：以三寶爲所歸，欲令救護，不得侵陵故也。如人獲罪於王，投向他國，以求救護。彼王敕言：汝

① 參見弘一大師撰《授三皈依大意》，（見《弘一大師全集》第一冊303頁・福建人民出版社2010年版）。

求無畏以投我者，莫出我境，莫違我教，必當救護。眾生亦爾，繫屬於魔，有生死過，歸向三寶，魔無如之何<sup>①</sup>。

今依此住持三寶，而會歸理性三寶。依佛爲師，即覺悟也；依法爲師，即軌範也；依僧爲師，即清淨無諍無染也。

### 三、讚三皈功德

●和尚續云：

汝等既知皈依之大意，今示汝等皈依之功德。

《灌頂經》云：受三皈者，有三十六善神，與其無量諸眷屬，守護其人，令其安樂<sup>②</sup>。

《校量功德經》云：四大洲中滿二乘果，有人盡形供養，

① 參見《業疏記》卷十·九頁前；及《薩婆多毘尼毘婆沙》卷第一（《大正藏》第23冊·505頁上）。  
② 參見《佛說灌頂經》卷第二（《大正藏》第21冊·503頁中）。

乃至起塔，不如善男子、善女人以淳淨心作如是言：我某甲皈依佛、皈依法、皈依僧。所得功德不可思議，以諸福中三寶勝故<sup>①</sup>。

●和尚鳴尺云：

汝等既知皈依之功德，今欲受三皈，應當先請十方三寶，以爲依怙之尊；次對一切萬靈，而作鎮嚴之主。汝等起立合掌，至心作觀，隨我啟請。

◆維那師呼：一齊起立，合掌。

## 四、請聖<sup>②</sup>

●和尚舉唱，大眾合。（三請三叩）

① 參見《佛說希有授量功德經》（《大正藏》第16冊・784頁中）。

② 參見《傳戒正範》卷四（《卍續藏》第60冊・660頁中、下）；準其「傳授沙彌戒・請聖」文，改「受戒」作「受皈」。



**香花迎。香花請。**弟子衆等，一心奉請：

娑婆教主本師釋迦牟尼佛，西方接引阿彌陀佛，當來下生彌勒尊佛，盡虛空、徧法界一切諸佛。惟願不違本誓，降臨法筵，證盟受皈！

◆維那師呼：作禮一拜，合掌。

**香花迎。香花請。**弟子衆等，一心奉請：

大小二乘，毗尼律藏，五篇三聚，解脫木叉，十二分經，權實教典，離欲眞淨，甚深法寶。謹運一心，皈命頂禮！

◆維那師呼：作禮一拜，合掌。

**香花迎。香花請。**弟子衆等，一心奉請：

觀音、勢至、文殊、普賢，清淨海衆諸大菩薩，律藏會上優波離尊者，西天東土歷代祖師，傳南山宗諸大律師。惟願不違本誓，降臨法筵，證盟受歸！

◆維那師呼：作禮一拜，合掌。

香花迎。香花請。弟子衆等，一心奉請：

光明會上，寄位諸天，梵釋四王，天龍八部，伽藍土地，護戒神王，金剛力士，幽顯靈祇。惟願各乘本誓，普降法筵，監壇護法！

◆維那師呼：作禮一拜，長跪。

## 五、懺悔

●和尚鳴尺云：

上來已迎請三寶證明，今又恐曠劫至今造諸惡業，障閉心源。是故應於三寶前，生大慚愧，求哀懺悔。

●和尚教，受皈依者隨：（三徧三叩）

往昔所造諸惡業，皆由無始貪瞋癡，  
從身語意之所生，今對佛前求懺悔。

◆維那師呼：作禮一拜，合掌。

## 六、正受三皈<sup>①</sup>

●和尚云：

汝等對三寶前懺悔已竟，罪業必定消除，身心清淨。當端秉一心，發正願心，不求人天福報，祇願爲證菩提，廣度眾生。如是發心，方可納受三皈之體。

●三皈。和尚教念，受皈依者隨：（三徧三叩）

和尚云

受皈依者答

（各種法名）弟子某甲，

盡形壽皈依佛，盡形壽皈依法，盡形壽皈依僧。

●三結。和尚教念，受皈依者隨：（三徧三叩）

和尚云

受皈依者答

（各種法名）弟子某甲，

① 參見《隨機羯磨》卷上·十五頁後。

盡形壽，皈依佛竟，皈依法竟，皈依僧竟。

◆維那師呼：作禮一拜。

●增上戒法。和尚教，受皈依者隨：（註：此段增上戒文，可取可捨。）

和尚云

受皈依者答

（各種法名）弟子某甲，

皈依佛竟，以佛爲師。從於今日，乃至命終，寧捨身命，終不皈依天魔外道。

皈依法竟，以法爲師。從於今日，乃至命終，寧捨身命，終不皈依外道典籍。

皈依僧竟，以僧爲師。從於今日，乃至命終，寧捨身命，終不皈依外道徒眾<sup>①</sup>。

① 參見《優婆塞戒經》卷第三（《大正藏》第24冊・1038頁上）。

◆維那師呼：作禮一拜。（三徧三叩）

## 七、發願

●和尚云：

汝等既已皈依三寶，已獲本體，身心有所皈向，當發廣大誓願。至心合掌，當隨我語，恭對三寶前，發四弘誓願。

●和尚教，受皈依者隨：

眾生無邊誓願度，煩惱無盡誓願斷，  
法門無量誓願學，佛道無上誓願成。

◆維那師呼：作禮一拜，合掌。（三徧三叩）

## 八、勸依教奉行

●和尚鳴尺云：

汝等既已皈依三寶，已得救護，所獲功德不可思議。汝今當生大歡喜，生稀有想，愈增深信，愈堅弘願，出煩惱淵，至菩提岸。

今所受三皈，以爲出世正因，但須行四正行。所謂四正行者：一、親近善知識；二、聽聞正法；三、如理作意；四、法隨法行。慎勿退失，謹守修行。汝能依教奉行否？

○受皈依者答：能依教奉行。

●和尚鳴尺一下，起座合掌云：

授皈依功德圓滿，大眾合掌，同音念佛回向。

◆維那師呼：頂禮一拜，起立，合掌。

## 九、回向

◆維那師舉佛號：

南無本師釋迦牟尼佛……

◆和尚下座，待和尚至中間拜墊時，維那師煞板，舉回向偈：

和尚禮

受皈功德殊勝行，無邊勝福皆回向，

戒子禮

和尚禮

普願沉溺諸眾生，速往無量光佛刹。

戒子禮

和尚禮

十方三世一切佛，一切菩薩摩訶薩，摩訶般若波羅蜜。

問訊

◆維那師呼：諸善男子、善女人等，一齊禮謝和尚三拜。

●和尚云：禮佛一拜。（或云：不爲禮）

○受皈依者答：阿彌陀佛！

◆維那師呼：迎請者送和尚回寮。

●和尚云：**免送！**

○受皈依者答：阿彌陀佛！

◆待和尚出已，維那師呼：禮謝諸引禮師三拜。

◆拜已，接：大眾禮佛三拜。分班，出堂。



# 授居家二眾五戒儀軌

（集體人多時，可用此儀軌）

## 一、請師

◆求受五戒者先集殿堂，引禮師呼：

諸善男子、善女人等，一齊向上排班，聞磬聲禮佛三拜。

◆受戒者禮佛已，維那師呼：

問訊，分班。迎請者八人出班，二人執香，迎請和尚。

註：按傳統請師儀軌，請和尚須八人。然此為對俗施教，迎請者人數，可根據實際情況酌情減少。

◆至師所，聞磬聲聞訊，呼：末後先行。

◆至堂，兩位持香者站門口，和尚入堂拈香，禮佛陞座。維那舉讚：

三皈納體，五戒培基。  
浣滌遮障法憑師，心淨受堪宜。  
仗佛弘慈，信香拜禱祈。

南無香雲蓋菩薩摩訶薩。（三稱）

◆維那師呼：

上香。復位。諸善男子、善女人等，一齊向上排班，聞磬聲至誠頂禮三拜。

◆三拜已，維那師呼：長跪，合掌。

◆維那師云：

夫改往從新，須皈三寶而求護；除愆植福，必秉五戒以嚴持。不遇明師，難聞淨法。今爲汝等恭請<sup>上</sup>某<sup>下</sup>某和尚，爲汝等作三皈五戒本師。汝等應端秉一心，隨我殷勤申請。請師之語，汝合自陳，恐汝未能，我今教汝。所有言詞，皆隨我道：

大德一心念，我弟子<sup>各稱法名</sup>，今請大德爲三皈五戒本師，願大德爲我作三皈五戒本師。我依大德故，得受清淨戒，慈愍故<sup>①</sup>。（三請三叩，第三遍稱「大慈愍故」。）

◆維那師呼：作禮一拜，合掌。

## 二、開導

●和尚鳴尺云：

① 參見《弘戒法儀》卷上（《卍續藏》第60冊・577頁下，579頁下）。

善男子、善女人等！汝既殷勤申請，可爲汝作五戒本師。所有言教，汝當諦聽。

所謂五戒者，即不殺生、不偷盜、不邪淫、不妄語、不飲酒也。此五戒者，前四戒爲性戒，後之一戒爲遮戒。

所謂性戒者，謂性是不善，能爲雜染，損惱於他；能爲雜染，損惱於自。雖不遮制，但有現行，便生惡趣；雖不遮制，但有現行，能障沙門<sup>①</sup>。

所謂遮戒者，聖未制前，造作無罪，由非正業，無妨福善；自制已後，塵染更深，妨亂修道，招世譏謗，故名遮也<sup>②</sup>。

① 參見《瑜伽師地論》卷第九十九（《大正藏》第30冊・869頁下）。  
② 參見《戒疏記》卷五・五十七頁後。

此五戒是一切戒之基礎，全人身、趣解脫之根本。今既發心求受，受已應嚴持，不負近事之勝名。

### 三、歎戒之功德

●和尚續開示云：

善男子、善女人等！戒之功德，不可思議。如《智度論》云：「大惡病中，戒爲良藥；大恐怖中，戒爲守護；死闇冥中，戒爲明燈；於惡道中，戒爲橋樑；死海水中，戒爲大船。」<sup>①</sup>

又如《校量功德經》云：有善男女，布施滿四天下眾生四事供養，盡於百年，不如一日一夜持戒功德。<sup>②</sup>

又如《長阿含經》云：「凡人持戒，有五功德，何謂爲五？

① 《大智度論》卷第十三（《大正藏》第25冊・153頁下）。  
② 《隨機羯磨》卷上・十五頁後。另可參見《佛說希有校量功德經》（《大正藏》第16冊・785頁上）。

一者，諸有所求，輒得如願；二者，所有財產，增益無損；三者，所往之處，眾人敬愛；四者，好名善譽，周聞天下；五者，身壞命終，必生天上。」<sup>①</sup>

#### 四、請聖<sup>②</sup>

●和尚鳴尺云：

汝等既知五戒之大意，及戒之功德，今欲受戒，當起立，端秉虔誠，至心奉請三寶萬靈而為證護。至心作觀，隨我迎請。

◆維那師呼：一齊起立，合掌。

●和尚舉，大眾合。（三請三叩）

香花迎。香花請。弟子衆等，一心奉請：

① 《長阿含經》卷第二（《大正藏》第一冊・12頁中）。  
② 參見《傳戒正範》卷四（《卍續藏》第60冊・660頁中、下）。

娑婆教主本師釋迦牟尼佛，西方接引阿彌陀佛，當來下生彌勒尊佛，盡虛空、徧法界一切諸佛。惟願不違本誓，降臨法筵，證盟受戒！

◆維那師呼：作禮一拜，合掌。（三稱）

**香花迎。香花請。**弟子衆等，一心奉請：

大小二乘，毗尼律藏，五篇三聚，解脫木叉，十二分經，權實教典，離欲眞淨，甚深法寶。謹運一心，皈命頂禮！

○維那師呼：作禮一拜，合掌。（三稱）

**香花迎。香花請。**弟子衆等，一心奉請：

觀音、勢至、文殊、普賢，清淨海衆諸大菩薩，律藏會上優波離尊者，西天東土歷代祖師，傳南山宗諸大律師。惟願不違本誓，降臨法筵，證盟受戒！

◆維那師呼：

作禮一拜，合掌。（三徧）

**香花迎。香花請。**弟子衆等，一心奉請：

光明會上寄位諸天，梵釋四王，天龍八部，伽藍土地，護戒神王，金剛力士，幽顯靈祇。惟願各乘本誓，普降法筵，監壇護戒！

◆維那師呼：作禮一拜。長跪，合掌。

## 五、懺悔

●和尚鳴尺云：

諸善男子、善女人！上來爲汝等恭請三寶，攝受覆護，猶如照世明燈，無不知見。今欲受汝五戒，切恐汝等，從無始以來，被境聲色之所迷惑，造諸罪累，障閉心源，不堪進受。如世醍醐相似，必須清淨器皿而盛貯之。今於未受之前，乞告三寶，求哀懺悔，願罪消滅。

所言懺悔者，梵語懺摩，此云悔過。懺謂止斷未來非，悔

謂恥心於往犯。故云已作之罪，願乞消除；未起之惡，更不敢造。懺悔之語，汝合自陳，恐汝未能，我今教汝。所有言詞，皆隨我道<sup>①</sup>：

◆維那師呼：一齊起立，合掌。

●和尚教念：

和尚云

受戒者答

（各稱法名）弟子某甲：

從於無始，以至今生，毀壞三寶，作一闍提；  
謗大乘經，斷學般若；弑害父母，出佛身血；  
污僧伽藍，破他梵行；焚毀塔寺，盜用僧物；  
起諸邪見，撥無因果；狎近惡友，違背良師；  
自作教他，見聞隨喜；如是等罪，無量無邊。

① 參見《弘戒法儀》卷上（《正續藏》第60冊・580頁中）。



故於今日，生大慚愧；克誠披露，求哀懺悔。  
惟願三寶，慈悲攝受；放淨光明，照觸我心；  
諸惡消滅，三障蠲除；復本心源，究竟清淨<sup>①</sup>！

## 六、問遮難

●和尚鳴尺云：

善男子、善女人等！今爲汝等懺悔已竟。身心瑩潔，善法無障，宜各端心，受正戒法。今依《善生經》中，先問汝等遮難，當如實答。何故令汝實答？由汝無始以來，因虛妄故，沉沒生死，無由解脫。今正要汝捨離虛妄，證真實法，是故令汝實答。不解不識，不得妄答<sup>②</sup>。

① 《傳戒正範》卷四（《卍續藏》第60冊・661頁上）。  
② 參見《弘戒法儀》卷上（《卍續藏》第60冊・580頁中）。

●和尚問，受戒者答。

汝不曾盜現前僧物否？

答：無。

汝不曾於六親所，比丘、比丘尼所，行不淨行否？

答：無。

汝不曾父母師長有病棄去否？

答：無。

汝不曾殺發菩提心眾生否？

答：無<sup>①</sup>。

## 七、受三皈

●和尚云：

善男子、善女人等！既無遮難，可爲汝等受五戒。此戒甚難，能爲聲聞、菩薩戒而作根本。戒有五種，始從不殺生，乃至不飲酒。若受一戒，是名一分優婆塞<sup>夷</sup>；具持五戒，名爲

① 參見《隨機羯磨》卷上·十六頁前。

滿分優婆塞<sup>①</sup>。汝今欲受何分之戒，當隨意受。

善男子、善女人等！受戒之要，須識境量。此若不明，受戒不得。所言境者，不出情與非情、空有二諦，並是汝等發戒之處。是故於彼境上立五戒法，折伏汝心。不得仍前造惡，誓當斷惡修善。覽彼聖法，所言心有三品，中下二心故非正意，直須發上品心、求上品戒。

上品心者，我今發心受戒，爲成三聚戒故，趣三解脫門，正求泥洹果；又以此法引導眾生，令至涅槃，令法久住。如是發心，得上品戒。我今爲汝等秉三皈羯磨，正是汝等納戒之時。汝當志誠，隨我言道<sup>②</sup>：

① 參見《隨機羯磨》卷上·十六頁前。

② 參見《弘戒法儀》卷上（《卍續藏》第60冊·580頁下至581頁上）；及《事鈔記》卷八·二十五頁前。

●三皈。和尚教，受戒者隨。（念三遍，每遍一拜。）

和尚云

受戒者答

（各種法名）弟子某甲，皈依佛、皈依法、皈依僧，盡形

壽爲優婆塞，如來、至真、等正覺，是我世尊。

滿分  
多分  
少分  
一分

◆維那師呼：作禮一拜，合掌。（三說三叩）

●和尚云：

善男子、善女人等！此之三皈正是納體。今又加結，示戒

所歸，令皈戒圓滿<sup>①</sup>。

●三結。和尚教，受戒者隨。（三遍，每遍一拜。）

和尚云

受戒者答

（各種法名）弟子某甲，皈依佛竟、皈依法竟、皈依僧竟，

盡形壽爲優婆塞，如來、至真、等正覺，是我世尊<sup>②</sup>。

滿分  
多分  
少分  
一分

① 參見《弘戒正儀》卷上（《正續藏》第60冊·581頁上）。  
② 參見《隨機羯磨》卷上·十六頁前。

◆維那師呼：作禮一拜，合掌。（三說三叩）

## 八、宣戒相

●和尚鳴尺云：

善男子、善女人等！我已爲汝授五戒法竟，今更爲汝示五戒相。聞說其相，當謹護持。

●和尚問，受戒者答。（註：能受持哪條戒，宣戒相時答「能持」；若不受，不答。）

盡形壽不殺生，是優婆塞戒，能持否？

答：能持。

盡形壽不偷盜，是優婆塞戒，能持否？

答：能持。

盡形壽不邪淫，是優婆塞戒，能持否？

答：能持。

盡形壽不妄語，是優婆塞戒，能持否？

答：能持。

盡形壽不飲酒，是優婆塞戒，能持否？

答：能持<sup>①</sup>。

① 參見《隨機羯磨》卷上·十六頁後。

●和尚云：

既受三皈五戒，諸引禮大德，可將縵衣令彼著身。

註：受戒者若有縵衣，可說此語及下偈文；若無不說。

◆維那舉唱，受戒者隨：

善哉解脫服，鉢吒禮懺衣。我今頂戴受，  
世世常得披。<sup>①</sup>

◆待受戒者都披好縵衣後，維那煞板，云：

長跪，合掌。

## 九、發願

●和尚云：

善男子、善女人等！受五戒已，更發誓願。世出世間之事，若不發願，則無以成。謂福若無願，如畫無膠，如馬無轡；如陶家器，雖成其坯，未經火煅，終不堪用。須要福願相資，

① 《毘尼日用切要香乳記》卷下（《卍續藏》第60冊・207頁下）。

方成勝用。汝等一一志心合掌，隨我發願<sup>①</sup>：

●和尚教念，受戒者隨。（三徧三拜）

眾生無邊誓願度，煩惱無盡誓願斷，  
法門無量誓願學，佛道無上誓願成。

◆維那師呼：作禮一拜，合掌。

## 十、囑誨

●和尚云：

善男子、善女人等！既稟戒已，一一如法護持。如人護眼，  
如龍護珠，勿令毀犯。

《薩婆多》云：「若破五戒中重戒，若更受八戒、十戒、

① 參見《弘戒法儀》卷上（《卍續藏》第60冊・581頁中）。

具戒，并禪無漏戒，一切不得。若破五戒中重戒已，欲捨五戒更受戒者，無有是處。若捨戒已，更受五戒，若受八戒、十戒、具戒，并禪無漏戒，一切不得也。」<sup>①</sup>

汝若有受無持，遇緣破犯，不如莫受。若受破犯，如人已死，法藥不入，難可救療。當聞此語，日夜攝心，如守堤塘，勿令漏泄。

受汝五戒已竟。汝等宿植善因，值茲盛世，生正信家，遭遇佛法，獲授近事戒法。爲出世之津梁，生佛淨土之根本。當須珍敬，勿得自輕。汝等能依教奉行否？

○受戒者答：能依教奉行<sup>②</sup>。

① 《薩婆多毘尼毘婆沙》卷第一（《大正藏》第23冊，507頁中、下）。  
② 參見《弘戒法儀》卷上（《卍續藏》第60冊・581頁下）。



●和尚鳴尺一下，起座合掌云：

受戒功德圓滿，大眾合掌，同音念佛回向。

◆維那師呼：

頂禮一拜，起立，合掌。

◆維那師舉佛號：

南無本師釋迦牟尼佛……

◆待和尚至中間拜墊時，維那師煞板，舉唱：

和尚禮

受戒功德殊勝行，無邊勝福皆回向，

戒子禮

和尚禮

普願沉溺諸眾生，速往無量光佛刹。

戒子禮

和尚禮

十方三世一切佛，一切菩薩摩訶薩，摩訶般若波羅蜜。

問訊

◆維那師呼：

諸善男子、善女人等，一齊禮謝和尚三拜。

●和尚云：**不爲禮。**（或云：**禮佛一拜。**）

○受戒者答：阿彌陀佛！

◆維那師呼：迎請者送和尚回寮。

●和尚云：**免送！**

○戒子答：阿彌陀佛！

◆待和尚出，維那師云：禮謝諸引禮師三拜。

◆拜已，維那師云：大眾禮佛三拜。分班，出堂。

# 授居家二眾八關齋戒儀軌

（集體人多時，可用此儀軌）

## 一、請師

◆受戒者先集於殿堂，引禮師呼：

諸善男子、善女人等，一齊向上排班，聞磬聲禮佛三拜。

◆受戒者聞磬聲三拜已，維那師呼：

問訊，分班。迎請者八人出班，二人執香，迎請和尚。

註：按傳統請師儀軌，請和尚須八人。然此為對俗施教，迎請者人數，可根據實際情況酌情減少。

◆受戒者至和尚所，聞磬聲問訊，維那師呼：末後先行。

◆師至堂，執香者站在堂外，戒師拈香，禮佛陞座。維那師舉讚：

八支齋體，受持夜朝。關閉諸惡長善苗，心淨樂囂囂。佛  
光遙照，皈體罪蠲消。

南無香雲蓋菩薩摩訶薩。（三稱）

◆維那師呼：

上香。復位。諸善男子、善女人等，一齊向上排班，聞磬聲至誠頂禮三拜。

◆待受戒者禮佛已，維那師呼：

長跪，合掌。

◆維那師云：

夫原受三皈，爲翻往昔之邪境。卽授八戒，進登出世之重樓。不得明師，難傳聖法。今爲汝請某某堂上<sup>上</sup>某<sup>下</sup>某律師，爲汝等作八戒阿闍黎。汝當端秉一心，隨我殷勤伸請。請師之語，汝合自陳，恐汝未能，我今教汝。所有言詞，皆隨我道：

◆維那師教念，受戒者隨：

大德一心念！我弟子<sup>各稱法名</sup>，今請大德爲八戒阿闍黎，願大德爲我作八戒阿闍黎。我依大德故，得受清淨戒，慈愍故<sup>①</sup>。（三請三叩，第三遍稱「大慈愍故」。）

## 二、開導

●和尚鳴尺云：

① 參見《弘戒法儀》卷上（《卍續藏》第60冊・579頁中、下）；原本無「授八戒請師」文，今文準其「授五戒請師」文所出。

汝等既已殷勤伸請，可爲汝等作八戒阿闍黎。

所謂八戒者，以八戒爲體：即不殺，不盜，不淫，不妄語，不飲酒，不歌舞倡伎、故往觀聽，不著華香瓔珞、香油塗身，不高勝牀上坐，不非時食。

此八戒者，云「戒」、云「齋」、云「關」者，眾名乃異，莫不攝淨歸心也。言「八戒」者，「八」即所防之境，「戒」則能治之業。言「八戒」者，「齋」謂齊也，齊一其心；或言清也，靜攝其慮，如世閑室，亦號齋也。言「關齋」者，即禁閉非逸，靜定身心也。<sup>①</sup>

### 三、歎戒之功德。

●和尚續云：

① 參見《業疏記》卷十·三十五頁前。

汝等既知八戒大意，今示汝等持戒之功德<sup>①</sup>。

《薩婆多論》云：經說作閻浮王，於人中寶，一切自在，不如八戒十六分一<sup>②</sup>。

《善生經》云：除五逆罪，餘罪消滅。由於一期誓心清淨，行同無著，故能割斷諸業罪也<sup>③</sup>。

《大智度論》云：譬如輒將將兵，終竟無勳；健將破敵，一日之中功蓋天下。五戒、八戒，其相同此。良由五但離邪，未能清絕；八行全淨，相同無漏，約期乃少，取行則多，故功益彼<sup>④</sup>。

① 參見《業疏記》卷十·三十八頁前。

② 參見《薩婆多毘尼毘婆沙》卷第一（《大正藏》第23冊·509頁上）。

③ 參見《優婆塞戒經》卷第五（《大正藏》第24冊·1063頁中）。

④ 參見《大智度論》卷第十三（《大正藏》第25冊·160頁中）。

## 四、請聖<sup>①</sup>

●和尚云：

汝等既知戒之大意及戒之功德，今欲受戒，應祈請三寶以爲證盟。至心合掌，隨我迎請。

◆維那師呼：一齊起立，合掌。

●和尚舉，大眾合。（三請三叩）

香花迎。香花請。弟子衆等，一心奉請：

娑婆教主本師釋迦牟尼佛，西方接引阿彌陀佛，當來下生彌勒尊佛，盡虛空、徧法界一切諸佛。惟願不違本誓，降臨法筵，證盟受戒！

◆維那師呼：作禮一拜，合掌。（三稱）

香花迎。香花請。弟子衆等，一心奉請：

① 參見《傳戒正範》卷四（《卍續藏》第60冊・666頁中、下）。

大小二乘，毗尼律藏，五篇三聚，解脫木叉，十二分經，權實教典，離欲眞淨，甚深法寶。謹運一心，皈命頂禮！

◆維那師呼：作禮一拜，合掌。（三稱）

**香花迎。香花請。**弟子衆等，一心奉請：

觀音、勢至、文殊、普賢，清淨海衆諸大菩薩，律藏會上優波離尊者，西天東土歷代祖師，傳南山宗諸大律師。惟願不違本誓，降臨法筵，證盟受戒！

◆維那師呼：作禮一拜，合掌。（三徧）

**香花迎。香花請。**弟子衆等，一心奉請：

光明會上寄位諸天，梵釋四王，天龍八部，伽藍土地，護戒神王，金剛力士，幽顯靈祇。惟願各乘本誓，普降法筵，監壇護戒！

◆維那師呼：作禮一拜，長跪。



## 五、懺悔

●和尚鳴尺云：

諸善男子、善女人等！上來爲汝等恭請三寶，攝受覆護，猶如照世明燈，無不知見。今欲受汝八戒，切恐汝等，從無始以來，被境聲色之所迷惑，造諸罪累，障閉心源，不堪進受。如世醍醐相似，必須清淨器皿而盛貯之。今於未受之前，乞告三寶，求哀懺悔，願罪消滅。

所言懺悔者，梵語懺摩，此云悔過。懺謂止斷未來非，悔謂恥心於往犯。故云已作之罪，願乞消除；未起之惡，更不敢造。懺悔之語，汝合自陳，恐汝未能，我今教汝。所有言詞，皆隨我道<sup>①</sup>：

① 參見《弘戒法儀》卷上（《卍續藏》第60冊・580頁中）。

●和尚教念，受戒者隨。（三徧三叩）

和尚云

受戒者答

（各種法名）弟子某甲，若身業、口業、意業不善，貪瞋癡故。若今世、先世有如是罪，今日誠心懺悔。三業清淨，受行八齋<sup>①</sup>。

◆維那師呼：作禮一拜。長跪，合掌。

## 六、問遮難

●和尚云：

善男子、善女人等！今爲汝等懺悔已竟。身心瑩潔，善法無障，宜各端心，受正戒法。今依《善生經》中，先問汝等遮難，當如實答。何故令汝實答？由汝無始以來，因虛妄故，

①《事鈔記》卷三十九·二十三頁後；另可參見《大智度論》卷第十三（《大正藏》第25冊·169頁中）。

沉沒生死，無由解脫。今正要汝捨離虛妄，證真實法，是故令汝實答。不解不識，不得妄答<sup>①</sup>。

●和尚問，受戒者答。

汝不曾盜現前僧物否？

答：無○

汝不曾於六親所，比丘、比丘尼所，行不淨行否？

答：無○

汝不曾父母師長有病棄去否？

答：無○

汝不曾殺發菩提心眾生否？

答：無<sup>②</sup>○

## 七、正受

●和尚云：

- ① 參見《弘戒法儀》卷上（《卍續藏》第60冊・580頁中、下）。  
② 參見《隨機羯磨》卷上・十六頁前。

善男子、善女人等！受戒之要，須識境量。此若不明，受戒不得。所言境者，不出情與非情、空有二諦，並是汝等發戒之處。是故於彼境上立八戒法，折伏汝心。不得仍前造惡，誓當斷惡修善。覽彼聖法，所言心有三品，中下二心故非正意，直須發上品心、求上品戒。

上品心者，我今發心受戒，爲成三聚戒故，趣三解脫門，正求泥洹果；又以此法引導眾生，令至涅槃，令法久住。如是發心，得上品戒。我今爲汝等秉三皈羯磨，正是汝等納戒之時。汝當志誠，隨我言道<sup>①</sup>：

●三皈。和尚教念，受戒者隨。（念三遍，每徧一拜。）

① 參見《弘戒法儀》卷上（《卍續藏》第60冊・580頁下至581頁上）；及《事鈔記》卷八・二十五頁前。

和尚云

受戒者答

（各種法名）弟子某甲，皈依佛、皈依法、皈依僧，一日一夜爲淨行優婆塞<sup>夷</sup>，如來、至真、等正覺，是我世尊<sup>①</sup>。

◆維那師呼：作禮一拜，合掌。（三說三叩）

●和尚云：

善男子、善女人等！此之三皈正是納體。今又加結，示戒所歸，令皈戒圓滿<sup>②</sup>。

●三結。和尚教，受戒者隨。（三徧，每徧一拜。）

和尚云

受戒者答

（各種法名）弟子某甲，皈依佛竟、皈依法竟、皈依僧竟，一日一夜爲淨行優婆塞<sup>夷</sup>，如來、至真、等正覺，是我世尊。

◆維那師呼：作禮一拜，合掌。（三說三叩）

① 此三皈文及下三結文，參見《隨機羯磨》卷上·十七頁前。  
② 參見《弘戒正儀》卷上（《卍續藏》第60冊·581頁上）。

## 八、宣戒相<sup>①</sup>

●和尚云：

善男子、善女人等！我爲汝授八戒法竟，今更爲汝示八戒相。聞說其相，當謹護持，慎莫毀犯。

●和尚問，受戒者答。（註：此八戒與五戒不同，五戒可分受，八戒須全受，故答時須全答「能持」。）

如諸佛盡形壽不殺生，

汝等某甲

一日一夜不殺生，能持否？

答：能持。

如諸佛盡形壽不偷盜，

汝等某甲

一日一夜不偷盜，能持否？

答：能持。

如諸佛盡形壽不婬欲，

汝等某甲

一日一夜不婬欲，能持否？

答：能持。

如諸佛盡形壽不妄語，

汝等某甲

一日一夜不妄語，能持否？

答：能持。

如諸佛盡形壽不飲酒，

汝等某甲

一日一夜不飲酒，能持否？

答：能持。

如諸佛盡形壽離華香瓔珞、香油塗身，

汝等某甲

一日一夜離華香瓔珞、

① 參見《隨機羯磨》卷上·十七頁前。

香油塗身，能持否？

答：能持。

如諸佛盡形壽離高勝牀上坐，及作倡伎樂、故往觀聽，

汝等某甲

一日

一夜離高勝牀上坐，及作倡伎樂、故往觀聽，能持否？

答：能持。

如諸佛盡形壽離非時食，

汝等某甲

一日一夜離非時食，能持否？

答：能持。

◆維那師呼：作禮一拜。長跪，合掌。

## 九、發願

●和尚云：受戒已竟，當發四弘誓願。

眾生無邊誓願度，煩惱無盡誓願斷，

法門無量誓願學，佛道無上誓願成<sup>①</sup>。

（三徧三拜）

① 《弘戒法儀》卷下（《卍續藏》第60冊・605頁下）。

◆維那師呼：作禮一拜，合掌。

●和尚教，受戒者隨：

我今以此八關齋功德，不墮惡趣、八難、邊地。持此功德，攝取一切眾生之惡，所有功德惠施彼人，使成無上正真之道。亦使將來彌勒佛世三會，得度生老病死<sup>①</sup>。

## 十、回向

●和尚鳴尺一下，起坐，合掌云：

以此受持八關齋戒功德，回向布施現在父母眷屬身體康健，已往生父母眷屬超陞樂土，己身修行無有魔難，臨命終時無有障礙，自在往生極樂世界。

受戒功德圓滿，眾等合掌，同音回向。

① 《隨機羯磨》卷上·十七頁後。



◆維那師呼：一齊起立，合掌。

◆維那師舉回向偈，和尚下座。（註：舉回向偈時，和尚禮佛三拜，受戒者同音隨唱。）

願以此功德，莊嚴佛淨土，上報四重恩，下濟三塗苦。  
若有見聞者，悉發菩提心，盡此一報身，同生極樂國。

◆維那師呼：諸善男子、善女人等，一齊禮謝和尚三拜。

●和尚云：不爲禮。（或云：禮佛一拜。）

○受戒者答：阿彌陀佛！

◆維那師呼：迎請者送和尚回寮。

●和尚云：免送！

○受戒者答：阿彌陀佛！

○待和尚出，受戒者首者云：禮諸引禮師三拜。

◆拜已，維那師呼：眾禮佛三拜。分班，出堂。

# 授居家二眾菩薩戒儀軌

（集體人多時，可用此儀軌）

## △授前請戒懺悔儀

◇按《菩薩戒羯磨經》云：「若諸菩薩欲授菩薩菩薩戒時，先應為說菩薩法藏摩怛履迦、菩薩學處及犯處相，令其聽受。以慧觀察自所意樂，堪能思擇受菩薩戒，非唯他勸、非為勝他，當知是名堅固菩薩，堪受菩薩淨戒律儀。」<sup>①</sup>準經所明，故知凡受菩薩戒，先當請戒開示，次則審懺、問難，如法授受<sup>②</sup>。

## 一、請戒開導

### （一）、請和尚法

◇此處「和尚」，指秉戒和尚，下文又稱「菩薩戒法師」，非謂得戒和尚。菩薩戒得戒和尚為本師釋迦牟尼佛。

◆求菩薩戒者，集入堂中，引禮師呼：

諸優婆塞等，一齊向上排班，聞磬聲至誠頂禮三拜。

拜已

問訊，分班。

迎請者八人出班，二人執香，迎請和尚。

註：按傳統請師儀軌，請和尚須八人。然此為對俗施教，迎請者人數，可根據實際情況酌情減少。

① 《菩薩戒羯磨文》（《大正藏》第24冊·1105頁上）。  
參見《傳戒正範》卷三（《卍續藏》第60冊·643頁下）。

②

◆至和尚所，迎請者於門前住立一面。引禮師向和尚具儀三拜，互跪，合掌，白云：

彼優婆

塞夷

某甲等，欲求受菩薩大戒。惟願和尚大德忍，僧默然允許<sup>①</sup>。

（白畢，叩首傍立。）

◆引禮師云：諸優婆

塞夷

等來。

◆彼進已，又云：

諸優婆

塞夷

等，一齊向上排班，聞磬聲至誠頂禮三拜。長跪，合掌，爲首者作白。

○爲首者白云：

若受菩薩戒前，依同一和尚先受三皈、五戒，可準下文：

我某甲等，前蒙和尚曲垂方便，已賜三皈五戒。今願受菩薩大戒，如律行持，成道利生，用報恩德。

若戒子並非一時依於同一和尚受三皈、五戒及菩薩戒，可準下文：

我某甲等，前蒙三寶加被，已受三皈五戒。今願從師更受菩薩大戒，如律行持，成道利生，用報恩德。

●和尚云：

①參見《弘戒法儀》卷上（《卍續藏》第60冊・584頁中）。

善哉可爾，希哉甚善！但菩薩大戒，其中授受，以五戒比，而百千萬億倍之所不能及。故受之不易，而行之更難。今汝等既發增進大乘善心，如律嚴持，苟勿違犯，無不允許。

○戒子答云：依教奉行。

◆引禮師呼：

頂禮一拜，分班，末後先行。

◆和尚至堂，舉爐香讚：

爐香乍爇，法界蒙熏。諸佛海會悉遙聞，隨處結祥雲。誠意方殷，諸佛現全身。

南無雲來集菩薩摩訶薩。（三稱。第三徧稱「海會雲來集」。）

和尚拈香，三拜陞座。

## (二)、乞戒作白<sup>①</sup>

◆引禮師向上展大具，三拜。長跪合掌，白云：

仰白和尚，大慈忍聽，彼優婆塞某甲等，今欲求圓菩薩淨戒，故先恭詣座前，頂禮啟白，願開甘露解脫法門，傳授金剛光明寶戒，不恪慈悲，幸垂策導。

(白已，三拜起具，復位。)

◆引禮師呼：

上香。復位。諸優婆塞等，一齊向上排班，聞磬聲至誠頂禮三拜。長跪，合掌。

◆引禮師云：諸優婆塞等，所有乞戒言辭，爲首者代眾至誠作白。

○爲首者長跪白云：

我優婆塞某甲等，久已皈依三寶，每懷進道無門，幸值良師戒德山高、毗尼海湛，由是得以受持五戒。今更欲息慮投誠，重增大戒，故今頂禮座前，慟悞伸請。惟願鑒精，虔於一念，降悲愍於群機，均賜菩薩妙善淨戒；令某甲等修學大乘，契悟心地，卽以四弘化導之功，用酬施戒法乳之德。下情不勝，懇禱之至！

①參見《傳戒正範》卷三（《正續藏》第60冊・644頁上、中）。

◆引禮師呼：

頂禮一拜。長跪，合掌，一心諦聽。

(三)、和尚開導<sup>①</sup>

●和尚撫尺云：

諸優婆

塞夷

！汝等今懇切至誠，乞求菩薩妙善戒法者，先須

以三種決定深固大信，發無上菩提心而求之。若信不決定，則不能斷除疑網；心不深固，則不能勇猛勤修。所以阿耨多羅三藐三菩提心，安住大乘，如山如海、不動不搖者，皆由具此一信永信之力也。

何等爲三？一者，決定深信，一切眾生皆具如來智慧德相，只因妄想執著，而不證得。故今勤修勝行，誓成覺道，願度

① 參見《傳戒正範》卷三（《正續藏》第60冊・644頁中至645頁中）。

眾生，咸登佛果。故《梵網經》云：汝是當成佛，我是已成佛，常作如是信，戒品已具足。

二者，決定深信，波羅提木叉戒是菩提涅槃修證之本因。若無戒爲本修因，如蒸砂作飯，縱經塵劫，終不能成。故《華嚴經》云：戒爲無上菩提本，應當具足持淨戒，若能堅持於淨戒，是則如來所讚歎。《涅槃經》云：欲見佛性，證大涅槃，必須深心修持淨戒。

三者，決定深信，一切諸佛法報化身，清淨光明、無邊相好，皆依持戒而得莊嚴成就。故《薩遮尼乾子經》云：如來功德身，以戒而爲本。故知上求佛果、克備二嚴，下化眾生、圓滿萬行，有戒則修證不虛，無戒則徒勞何益。

汝等若具此三種信力者，方可感求娑婆教主釋迦牟尼佛，爲得戒本師和尚；大智文殊師利菩薩，爲羯磨阿闍黎；一生補處彌勒菩薩，爲教授阿闍黎；十方現在一切諸佛，爲尊證師；十方一切菩薩，爲同學伴侶。

吾雖受請陞座，但是汝等教誡法師，名曰「秉戒和尚」，謂秉宣佛制，教誡後學故。若於臨期入壇，正受戒時，汝等人人皆要專注一境，頓息諸緣。此身雖在師前，而心必觀想諸佛海會。須知菩薩淨戒，非淺浮之信、散亂之心，而可納受。

故經云：三白受戒羯磨畢竟，從此無間，普於十方無邊無際諸世界中，現住諸佛、諸大菩薩前，法爾相現。由此表示，



如是菩薩，已受菩薩所受淨戒。爾時諸佛菩薩，覩是菩薩法爾之相，知某世界某名菩薩，某菩薩所，正受菩薩所受淨戒。一切於此受戒菩薩，如子如弟，生親善意，眷念憐憫。由諸佛菩薩眷念憐愍，令是菩薩希求善法，倍復增長，無有退減。如是菩薩所受淨戒，於餘所受淨戒，最勝無上；無量無邊大功德藏之所隨逐，第一最上善心意樂之所發起；普能滅除，於一切有情，一切種惡行；一切別解脫律儀，計分、算分、喻分，乃至鄔波尼殺曇分，亦不及一，攝受一切大功德故。受此戒已，雖復轉身徧十方界，在在處處，不捨菩薩淨戒律儀。由是菩薩，不捨無上菩提大願，亦不上品纏犯他勝處法。若轉受餘生，忘失本念，值遇善友，爲欲覺悟菩薩戒念。

雖數重受，而非新得。

受持菩薩戒，名曰佛戒，應於師前啟白諸佛，三番羯磨而得，直至果覺後身。所以釋迦世尊、文殊、彌勒，爲菩薩戒之三師，諸佛爲其證明。而諸佛菩薩未離真際，求戒之人實住此方，能令授受獲益者，良由眾生機感，諸佛道交，如子愈孝而母愈憐，譬水愈清而月愈顯。受大乘戒，爲真佛子，諸佛菩薩慈悲護念，亦復如是。

將來爲汝等，欽遵大乘經律，結壇敷座，集眾啟聖。易優婆塞<sub>夷塞</sub>之自利心，而爲菩薩嚴土利生之廣大心；轉優婆塞<sub>夷塞</sub>之別解脫戒，而爲菩薩保解脫之三聚淨戒。

然此三聚淨戒，體是無作，徧周法界，量等塵沙，假色表

顯。雖云受，乃全性起修，不二而二；雖云持，乃全修在性，二而不二。此則佛種從緣起，性修交成故。得斯體已，任運止惡行善，任運利物濟生。於正止行利生之間，實無利生止行可得；以諸法無生，一道真淨故。

《起信論》云：以知法性無染污故，隨順修行尸波羅蜜。而此性戒之性，佛生共具，蠢動不無，有性即有心，有心皆成佛。《梵網經》云：金剛光明寶戒，是一切佛本源，一切菩薩本源，佛性種子。一切眾生皆有佛性，一切意識色心，是情是心，皆入佛性戒中。

但恐汝等，若不能發無上菩提大願，及現身中有犯七逆罪者，雖佛性之理體，人人本具，未曾欠少，而終難發起戒之

當體。經律明條，應當詰問。

汝等少頃，且隨眾引禮大德，入懺摩堂中，向羯磨師前，先將各人本所受持戒品，其間若染若淨，一一發露；次依大乘所遮七逆，詳細審明。若根本重戒不破，七惡逆罪不犯，方可如律如法清淨授受。諸佛讚善，龍天衛守，所謂毗尼住世，而正法得以久住。汝等能依教奉行否？

○戒子答云：能依教奉行。

◆引禮師呼：

諸優婆

塞夷

等，一齊起立，聞磬聲至誠頂禮三拜。分班。（和尙下座三拜，受戒者隨。）

（四）、回向

◆引禮師舉：

願以此功德，莊嚴佛淨土，上報四重恩，下濟三塗苦。

若有見聞者，悉發菩提心，盡此一報身，同生極樂國。

◆引禮師呼：諸優婆塞等，一齊向上禮謝和尚三拜。

●和尚云：不爲禮。（或云：禮佛一拜。）

◆引禮師呼：迎請者送和尚回寮。

●師云：免送！

○戒子答云：阿彌陀佛！

○待師出，爲首者云：禮謝諸引禮師三拜。

◆拜已，接：大眾禮佛三拜。分班，出堂。

## 二、審戒懺悔

《梵網經》云：與人授戒時，不得揀擇。一切國王、王子、大臣、百官、比丘、比丘尼、信男、信女、姪男、姪女、十八梵天、六欲天子、無根、二根、黃門、奴婢、一切鬼神，盡得受戒。

又云：若欲受戒時，師應問言：現身不作七逆罪耶？菩薩法師，不得與七逆人受戒。故知理性無別，有心者悉皆通

收；事障須防，無犯者乃可容受。既於不揀擇中而分揀擇，即身器完美無遮<sup>①</sup>。

## （一）、集眾迎師

◆諸戒子雲集戒堂，引禮師呼：

諸優婆

塞夷

等，一齊向上排班，聞磬聲至誠禮佛三拜。

拜已

問訊，分班。

迎請者六人出班，二人執香，迎請羯磨阿闍黎。

註：按傳統請師儀軌，請羯磨阿闍黎須六人。然此為對俗施教，迎請者人數，可根據實際情況酌情減少。

◆至師所，聞磬聲問訊。引禮師呼：

末後先行。

◆至戒堂 引禮師舉讚：

真心奚障，妄業成遮。口身無逆器方佳，審問莫蒙差。實  
答堪誇，剖露現心華。

南無香雲蓋菩薩摩訶薩。三稱

師拈香，三拜陞座

① 參見《傳戒正範》卷三（《已續藏》第80冊・645頁中、下）；另可參見《梵網經盧舍那佛說菩薩心地戒品》第十卷下（《大正藏》第24冊・1008頁中、下）。

◆引禮師呼：

上香。復位。諸優婆夷塞等，一齊向上排班，聞磬聲至誠頂禮三拜。

◆拜已，呼：問訊，分班。

◆引禮師云：

諸優婆夷塞等，各稟虔誠，隨我音聲，一起朗誦大悲神咒，以淨法筵。仗此威力，而蠲除魔障。

◆引禮師舉：

南無大悲觀世音菩薩！（三稱）

◆用引磬如木魚敲法，繞壇念誦。

教有眞言，謹當持誦：南無喝啰怛那哆啰夜耶……

南無甘露王菩薩摩訶薩。（三稱）

◆引禮師呼：長跪，合掌。

◆引禮師云：

夫法器久成，猶恐琢磨之未至；聖階欲進，先求行履之有初。今則三皈五戒

既稟，勝心重礪，故我爲汝眾等，焚香敷座，恭請<sup>上</sup>某<sup>下</sup>律師，爲審戒問遮懺悔阿闍黎。請師之語，汝合自陳，恐汝未能，我今教汝。所有言詞，皆隨我道：

◆正請云：

大德一心念！我優婆塞<sup>夷</sup>某甲等，今請大德爲審戒問遮懺悔阿闍黎，願大德爲我作審戒問遮懺悔阿闍黎。我依大德故，得入菩薩清淨位，慈愍故<sup>①</sup>。

◆引禮師呼：

作禮一拜，合掌。（三請三叩，第三遍稱「大慈愍故」。）

●師撫尺，云：

諸優婆塞<sup>夷</sup>！汝等既已殷勤三請，我今爲汝作審戒問遮懺悔阿闍黎，所有言教，各須諦聽。夫教對機談，先漸後頓；律因事制，由身及心；身苟不淨，心戒何從？

今既五戒固守，三聚更增，願樂四弘，匪專自利。斯則發

① 參見《傳戒正範》卷三（《正續藏》第60冊・646頁中、下）。



廣大之因心，直趨寶所；希如來之果德，不滯化城。具此勝懷，可謂上善。但恐浮囊有損，破器難盛，聖制既違，梵行何立？往愆未雪，修證無由。

故毗尼藏云：犯四性重者，退失道果，譬喻如斫頭人不復還活，斷心樹不復更生，缺鼻針不堪復用，分破石不復還合。此是汝等本受戒中，法所不容者也。又大乘《梵網經》云：若現身有七遮罪者，師不應與受戒；若無七遮者，得與受戒<sup>①</sup>。以是觀之，小乘七眾犯重，大乘進受無容；大乘若犯七遮，一概盡揀有據。雖曰罪無自性，理具真常；必要事不毀心，道方合節。今故先依毗尼藏，審其所受優婆塞戒<sup>夷塞</sup>中，一一相內

① 參見《梵網經盧舍那佛說菩薩心地戒品》第十卷下（《大正藏》第24冊・1008頁下）。

持犯完缺等事。次遵大乘教中，揀其七遮重惡。

我今逐一問汝，汝等逐一實答。若不傾心披膽、如實而答者，昔惡既覆，新善難生。縱使隨眾懺悔，此罪何由得除？受戒必不得戒，仍加故妄語罪。當思菩薩大戒，原於心地，心地夾雜，便非戒器。《首楞嚴經》云：汝今欲研無上菩提，當以直心酬我所問，（鳴尺一下，云：）汝等能依教奉行否<sup>①</sup>？

○答云：能依教奉行。

◆引禮師云：諸優婆塞<sub>夷</sub>等，各各作觀，運心稱念：

（直念）南無十方常住三寶！（三稱）

◆引禮師云：各稱自己法名。

① 參見《傳戒正範》卷三（《卍續藏》第60冊・646頁下至647頁上）。

(二)、正審戒遮

●羯磨師撫尺云：

諸優婆塞等，我今詳問汝等，本所受持五支戒相者，正是浣汝身心，蠲除不淨。汝等應當各解我語，確實而答。

●鳴尺一下

第一、不殺生戒。凡物有命，不得故殺。若自殺，若教他殺，若坑陷殺，若倚撥殺，若推墮殺，若咒術殺，若毒藥殺，若勸他殺；若先知彼人意欲自殺，故安殺具令死；若令惡獸、毒蛇殺；乃至墮胎破卵、焚山決瀆，皆名曰殺。汝等於此戒中，曾有犯否？有無實答

第二、不偷盜戒。凡是有主物，不得盜心故取。若自取，

若教他取；若受教，代他往取；若咒術取，若因寄取，若與已更奪取，若貸借不還；乃至偷稅、冒渡等，皆名曰盜。汝等於此戒中，曾有犯否？有無實答

第三、不邪淫戒。若與所不應行人男、人女作不淨行；設所應行，非支、非處、非時、非量行姪；或已姪他，或他姪己；乃至共畜生、非人等行姪者，皆名曰邪淫。汝等於此戒中，曾有犯否？有無實答

第四、不妄語戒。若未曾悟道，妄言已悟；若未得禪、得定，妄言已得；若未證四果，妄言已證；乃至妄言天龍鬼神等來，如此虛而不實，誑惑世人，皆名大妄語。汝等於此戒中，曾有犯否？有無實答

第五、不飲酒戒。凡一切能醉人者，一滴不可入口。汝等於此戒中，曾有犯否<sup>①</sup>？有無實答

●師撫尺云：

諸優婆塞，五戒法中，一一相內，既已審明。復有大乘所揀七逆，今當更問。所言七逆者：有無實答

- 第一、出佛身血，是大逆惡，極重之罪，汝等有此罪否？
- 第二、弑父是大逆惡，極重之罪，汝等有此罪否？
- 第三、弑母是大逆惡，極重之罪，汝等有此罪否？
- 第四、弑和尚是大逆惡，極重之罪，汝等有此罪否？
- 第五、弑阿闍黎是大逆惡，極重之罪，汝等有此罪否？

① 參見《傳戒正範》卷二（《卍續藏》第60冊・641頁中至642頁中）。又此文準《傳戒正範》中「傳授沙彌十戒」文出，原文為出家所受「姪戒」，非「邪姪戒」，故「邪姪戒」參考《瑜伽師地論》卷第五十九（《大正藏》第30冊・630頁中），及《菩薩戒本疏》卷第一（《大正藏》第40冊・665頁中）。

第六、破羯磨、轉法輪僧是大逆惡，極重之罪，汝等有此罪否？  
第七、弑聖人是大逆惡，極重之罪，汝等有此罪否？

●師撫尺云：

汝等前來，各解我語，從實吐露，既於優婆塞戒中謹守，大乘中所遮之七逆無犯，是真淨法器。我今如汝言詞，申復和尚，即爲進受菩薩大戒。應更至誠求哀，諸佛菩薩慈光攝照，證明懺悔。從於無始以至今生，三障八苦咸得蠲除；自於此時盡未來際，四弘二利悉皆圓滿。願化同體眾生，共成無上正覺。我爲汝等焚香舉偈，汝等隨我音聲，如法懺悔。各稱法名<sup>①</sup>。稱已。

① 參見《傳戒正範》卷三（《卍續藏》第60冊・652頁上、中）。

◆引禮師呼：一齊起立，合掌。

(三)、懺悔

●羯磨阿闍黎舉唱一句，新戒和唱一句：

往昔所造諸惡業，皆由無始貪瞋癡。

從身語意之所生，今對佛前求懺悔。一拜

往昔所造諸惡業，皆由無始貪瞋癡。

從身語意之所生，一切罪障皆懺悔。一拜

往昔所造諸惡業，皆由無始貪瞋癡。

從身語意之所生，一切罪根皆懺悔。一拜

(四)、回向

◆懺悔畢，師下座至堂中，引禮師接唱回向偈：

阿闍黎禮

審戒功德殊勝行，無邊勝福皆回向，

戒子拜

阿闍黎禮

普願沉溺諸眾生，速往無量光佛刹。

戒子拜

阿闍黎禮

十方三世一切佛，一切菩薩摩訶薩，

戒子拜

問訊

摩訶般若波羅蜜<sup>①</sup>。(師三拜，侍者起具問訊立。)

◆引禮師呼：諸佛子等，一齊禮謝羯磨阿闍黎三拜。

●阿闍黎云：不爲禮。(或云：禮佛一拜。)

○受戒者答：阿彌陀佛！

◆引禮師呼：迎請者送和尚回寮。

●阿闍黎云：免送！

① 參見《傳戒正範》卷三（《正續藏》第60冊・652頁中）。



○戒子答：阿彌陀佛！

○待阿闍黎出，爲首者云：禮謝諸引禮師三拜。

◆拜已，接：大眾禮佛三拜。分班，出堂。

## △正授菩薩戒儀

◇先莊嚴法堂，正中敷一高座，供得戒本師釋迦牟尼佛位。左上敷一高座，供尊證師十方諸佛、羯磨師文殊菩薩、教授師彌勒菩薩、同學伴侶十方菩薩位。右上敷一高座，候所請菩薩戒法師。一一座筵皆設香花<sup>①</sup>。

◇敷座已，將三師安排請處。并準備莊嚴具、三經架、三香盤、三持具、一錫杖、一鉢、二提爐、二燈籠、四長幡、一寶蓋。大約二十人，全部在三師處等候。

◆將受戒者全部集中在殿堂，引禮師呼：

諸佛子等，一齊向上排班，聞磬聲至誠禮佛三拜。

拜已

問訊，分班，合掌。

## 一、敷座結壇<sup>②</sup>

◆引禮師白云：

① 參見《傳戒正範》卷四（《正續藏》第60冊・670頁上、中）。

② 參見《傳戒正範》卷四（《正續藏》第60冊・670頁中）。

諸佛子！今爲汝等嚴淨道場，敷設法座，秉受菩薩妙善戒法。汝等先當隨我誦持大悲神咒結壇，次方入室請師。

◆引禮師舉：

南無大悲觀世音菩薩！（三稱）

用引磬如木魚敲法。繞壇念誦時，兩對并列，二引禮師在前導行，繞壇三匝。

教有眞言，謹當持誦。接大南無喝啰怛那哆啰夜耶……

悲咒

◆歸位畢，接念：

南無甘露王菩薩摩訶薩！（三稱三拜）

## 二、請師入壇<sup>①</sup>

◆引禮師呼：

諸佛子等！爲首八人，二人執香，迎請三師。

其餘受戒者，由其他引禮師帶出殿堂外，列隊匍匐迎請。

◆引禮師呼：

① 參見《傳戒正範》卷四（《卍續藏》第60冊・670頁中至671頁上）。

諸佛子等！一齊向上排班，聞磬聲至誠頂禮三拜。長跪，合掌。

◆引禮師云：

夫菩薩戒者，事出非常，憑師乃發。佛前自誓，相好難期，一遇明師，便名得戒。今爲汝等，恭請某某堂上<sup>上</sup>某<sup>下</sup>某律師，爲汝等作菩薩戒法師。請師之語，汝合自陳，恐汝未能，我今教汝。所有言詞，皆隨我道：

大德憶念！我弟子衆等，今於大德所，乞受一切菩薩淨戒，惟願須臾不辭勞倦，哀愍聽受。

◆引禮師呼：作禮一拜，合掌。三請三叩。

●菩薩戒法師云：

諸佛子等！汝既殷勤伸請，我今可爾臨壇，遵依大乘經律，爲汝秉宣授受。

◆引禮師呼：

諸佛子等！一齊起立，聞磬聲至誠頂禮三拜。分班。未後先行，鐘鼓齊鳴。

◆菩薩戒法師起座。舉梵：眾齊稱聖號。

## 南無本師釋迦牟尼佛……

行走次第：二引禮左右對導；莊嚴具、香爐、經架、教授師；香爐、經架、羯磨師；香爐、經架、和尚、錫杖、鉢（隨和尚左右）。餘諸戒子雁行而行。

至堂，二阿闍黎於中高座前左右對立，和尚居中，展具，作觀，頂禮十方三世三寶，九拜。鉢、杖隨立其後，其他莊嚴具排在大門兩邊。

◆引禮師呼：

降伏魔力怨，除結盡無餘，

聞此妙響音，悉皆雲來集。（三稱 三師三拜）

南無雲來集菩薩摩訶薩。（三稱，第三徧稱「海會雲來集」 三師三拜）

鐘聲傳三千界內，佛法揚萬億國中，

功勳祈世界和平，利益報檀那厚德。（三師三拜）

◇九拜竟，舉偈畢，三師陞座，鉢、杖持在師後。

◆引禮師云：

隨喜海眾，出班禮佛。（諸引禮師具儀，詣堂中三禮竟，各各依次仍歸本位。）

◆引禮師呼：

上香。復位。諸佛子等！一齊向上排班，聞磬聲至誠頂禮三拜。長跪，合掌。

### 三、禮敬三寶<sup>①</sup>

●羯磨阿闍黎云：

諸佛子！汝等既發勝心，求受菩薩淨戒，應當作觀運心，隨我音聲，頂禮十方三寶，各稱自己法名。

○諸戒子云：弟子某甲。

◆引禮師呼：一齊起立，合掌。

◇諸受戒者，必須同聲同禮，一切恭謹。勿致身口參差，心意散亂。東西兩單拜，入觀頂禮。

一心頂禮，過去世，盡過去際，一切諸佛。每句一拜，以下皆同。

一心頂禮，未來世，盡未來際，一切諸佛。

一心頂禮，現在世，盡現在際，一切諸佛。

①參見《傳戒正範》卷四（《卍續藏》第60冊・671頁中）。

一心頂禮，過去世，盡過去際，一切尊法。

一心頂禮，未來世，盡未來際，一切尊法。

一心頂禮，現在世，盡現在際，一切尊法。

一心頂禮，過去世，盡過去際，一切賢聖。

一心頂禮，未來世，盡未來際，一切賢聖。

一心頂禮，現在世，盡現在際，一切賢聖。

◆引禮師呼：長跪，合掌。

## 四、正請師法<sup>①</sup>

◆引禮師示語云：

諸佛子等！今對佛像前，隨我語言，至誠正請菩薩戒法師。

○正請云：

<sup>①</sup> 參見《傳戒正範》卷四（《正續藏》第60冊・671頁下）。

引禮師云

戒子答

（各稱法名）弟子某甲，惟願大德哀愍，授我眾等菩薩淨戒。

◆引禮師呼：作禮一拜，合掌。（三請三叩）

●菩薩戒法師撫尺問云：

**諸佛子聽！汝是菩薩否？**

○戒子答云：是菩薩。

●師復言：**既是菩薩，汝發菩提心未？**

○戒子答云：已發菩提心。

## 五、開導戒法<sup>①</sup>

●菩薩戒法師撫尺云：

**諸佛子聽！汝等今者，欲於我所，受諸菩薩一切學處，受諸菩薩一切淨戒。謂攝律儀戒，六波羅夷，即止惡也；攝善**

① 參見《傳戒正範》卷四（《卍續藏》第60冊・671頁下）；《菩薩戒羯磨文》（《大正藏》第24冊・1105頁上）。

法戒，八萬四千法門，即行善也；饒益有情戒，慈悲喜捨，即度生也。

如是學處，如是淨戒，過去一切菩薩已具，未來一切菩薩當具，普於十方現在一切菩薩今具。如是學處，如是淨戒，過去一切菩薩已學，未來一切菩薩當學，普於十方現在一切菩薩今學。汝能受否？三問三答

○戒子答云：能受。

## 六、請聖證盟<sup>①</sup>

●菩薩戒法師撫尺云：

汝諸佛子！既能受菩薩淨戒，能學菩薩學處者，各各起立

<sup>①</sup> 參見《傳戒正範》卷四（《卍續藏》第60冊・671下至672上）。



合掌，端秉一心，五體投地，隨我伸請諸佛菩薩，爲菩薩戒和尚。汝等各種自己法名。

○諸戒子云：弟子某甲。

◆稱已，引禮師呼：一齊起立，合掌。

●師即起座，拈香入觀作梵，二阿闍黎同音請云：

香花迎。香花請。弟子<sub>各稱法名</sub>，一心奉請：

大德釋迦如來一心念！我弟子衆等，今請如來爲我作得戒和尚，惟願如來爲我作得戒和尚。我依如來故，得受菩薩三聚十無盡清淨戒，慈愍故。<sub>（第三編稱「大慈愍故」）</sub>

◆引禮師呼：作禮一拜，合掌。（三師各一請，三請三叩。）

香花迎。香花請。弟子<sub>各稱法名</sub>，一心奉請：

大德文殊師利菩薩一心念！我弟子衆等，今請菩薩爲我作羯磨阿闍黎，惟願菩薩爲我作羯磨阿闍黎。我依菩薩故，得受菩薩三聚十無盡清淨戒，慈愍故。

（第三編稱「大慈愍故」）

◆引禮師呼：作禮一拜，合掌。（三師各一請，三請三叩。）

香花迎。香花請。弟子<sub>各稱法名</sub>，一心奉請：

大德彌勒菩薩一心念！我弟子衆等，今請菩薩爲我作教授阿闍黎，惟願菩薩爲我作教授阿闍黎。我依菩薩故，得受菩薩三聚十無盡清淨戒，慈愍故。

（第三徧稱「大慈愍故」）

◆引禮師呼：作禮一拜，合掌。（三師各一請，三請三叩。）

香花迎。香花請。弟子<sub>各稱法名</sub>，一心奉請：

大德十方一切如來一心念！我弟子衆等，今請如來爲我作尊證師，惟願如來爲我作尊證師。我依如來故，得受菩薩三聚十無盡清淨戒，慈愍故。<sub>（第三徧稱「大慈愍故」）</sub>

◆引禮師呼：作禮一拜，合掌。（三師各一請，三請三叩。）

香花迎。香花請。弟子<sub>各稱法名</sub>，一心奉請。

大德十方一切菩薩摩訶薩一心念！我弟子衆等，今請菩薩爲我作同學伴侶，

惟願菩薩爲我作同學伴侶。我依菩薩故，得受菩薩三聚十無盡清淨戒，慈愍故。

（第三徧稱「大慈愍故」）

◆引禮師呼：作禮一拜。（三師各一請，三請三叩。）

◆請已，三師就座。引禮師呼：長跪，合掌。

## 七、受四不壞信<sup>①</sup>

●羯磨阿闍黎撫尺云：

諸佛子等！《瓔珞經》云：禮三寶已，復教受四不壞信，依止四依<sup>②</sup>。

所云四不壞信者，蓋吾人所稟體性是一，而於此一體之中，具得有佛法僧寶及戒故。

梵語佛陀，華言覺，謂性體靈覺，照了諸法非空非有，是

① 參見《傳戒正範》卷四（《卍續藏》第60冊・672頁上、中）。  
② 參見《菩薩瓔珞本業經》卷下（《大正藏》第24冊・1020頁下）。

名本具之佛寶也。

法，即軌持之義，謂法性寂滅，而恒沙性德皆可軌持，是名本具之法寶也。

僧者，梵語具云僧伽，華言和合眾，謂恒沙妙德性相不二，理事和合，是名本具之僧寶也。

戒者，謂金剛光明寶戒，是一切佛本源，一切菩薩本源，一切眾生佛性種子，是名本具之性戒也。

汝等從今信得：自心是佛、是法、是僧、是戒，盡未來際身，不忘不失，故云四不壞信。

雖云體具真常，不無修證。所謂「是心作佛，是心是佛」，應當皈投住持三寶，納受清淨妙戒，依止修行，方得圓成無

上佛果。今對諸佛菩薩座前，一一諦受。皈依之語，汝當自說，恐汝不能，我今教汝。所有言詞，皆隨我道：各種法名。

○諸戒子云：弟子某甲。

●各隨師語，三受三叩。

我從今時，盡未來際身，皈依佛。

我從今時，盡未來際身，皈依法。

我從今時，盡未來際身，皈依僧。

我從今時，盡未來際身，皈依戒。

◆引禮師呼：作禮一拜，合掌。

## 八、懺悔三業<sup>①</sup>

●教授阿闍黎撫尺云：

<sup>①</sup> 參見《傳戒正範》卷四（《卍續藏》第60冊・672頁中、下）。

諸佛子！《梵網經》所明，現身有犯七逆者，不得受戒。此前羯磨師已曾一一詳審，汝等幸皆無犯，故得受戒。

今準《瓔珞經》云：受四不壞信已，次當教悔三世罪<sup>①</sup>。而罪所言三世者，謂過去無明種子，爲罪業之因；今生現行，爲罪業之緣；由此現行，熏過去無始以來之業種，因緣和合，而所作業成，又爲當來罪業之惡因。如是展轉相資，故今輪回不絕。

今憑諸佛菩薩座前，慚愧悔過。若能違今生之現行，則過去業種乾枯，未來業因自滅。悔過之言，汝合自說，恐汝不能，我今教汝。所有言詞，皆隨我道：

① 參見《菩薩瓔珞本業經》卷下（《大正藏》第24冊・1020頁下）。

●各隨師語朗說，三悔三叩。

我某甲若過去，身口意十惡罪，願畢竟不起，盡未來際。

我某甲若現在，身口意十惡罪，願畢竟不起，盡未來際。

我某甲若未來，身口意十惡罪，願畢竟不起，盡未來際。

◆引禮師呼：作禮一拜，合掌。（三悔三叩）

## 九、發大誓願<sup>①</sup>

●教授阿闍黎撫尺云：

諸佛子等！悔過已竟，三業清淨，如淨琉璃，內外明照。次應發十四種大願，依而修行，圓滿功德。假使熱鐵輪在於頂上旋，終不以此苦，退失所發願。

①參見《傳戒正範》卷四（《正續藏》第60冊・672頁下至673中）。

我今對諸佛菩薩座前，一一爲汝等三宣，汝等當向諸佛菩薩座前，心念口言，一一自說，各稱法名。

○諸佛子云：弟子某甲。

●教授阿闍黎鳴尺一下云：（各宣三遍）

第一、汝等從今時，盡未來際身，常能念佛，親近善知識否？

答云：能親近。

第二、汝等從今時，盡未來際身，常能捨離諸惡知識否？

答云：能捨離。

第三、汝等從今時，盡未來際身，乃至失命因緣，不犯戒否？

答云：不犯。

第四、汝等從今時，盡未來際身，常能讀誦大乘經律，問甚深義否？

答云：能問。



第五、汝等從今時，盡未來際身，常能於無上菩提生信心否？

答云：能生。

第六、汝等從今時，盡未來際身，若見眾生苦惱時，能救護否？

答云：能救護。

第七、汝等從今時，盡未來際身，常能隨力供養三寶否？

答云：能供養。

第八、汝等從今時，盡未來際身，常能孝順父母、敬事師長否？

答云：能孝敬。

第九、汝等從今時，盡未來際身，常能捨諸懈怠，勤求佛道否？

答云：能勤求。

第十、汝等從今時，盡未來際身，於五塵上諸煩惱生時，能制伏

心否？

答云：能制伏。

第十一、汝等從今時，盡未來際身，眾生無邊誓願度，汝能度否？

答云：能度。

第十二、汝等從今時，盡未來際身，煩惱無盡誓願斷，汝能斷否？

答云：能斷。

第十三、汝等從今時，盡未來際身，法門無量誓願學，汝能學否？

答云：能學。

第十四、汝等從今時，盡未來際身，佛道無上誓願成，汝能成否？

答云：能成。

◆引禮師呼：作禮一拜，合掌。（三宣三拜）

## 十、正受戒體<sup>①</sup>

●菩薩戒法師撫尺云：

諸佛子等！既能發此十四種深宏誓願，我當起座，爲汝等頂禮啟白十方現住諸佛，及諸菩薩，感發汝等圓宗戒體。

汝應一心善聽，作意諦思，當知我初番白竟之時，十方世界妙善戒法，由心業力，悉皆震動；我二番白竟之時，十方世界妙善戒法，如雲如蓋覆汝頂上；我三番白竟之時，十方世界妙善戒法，從汝頂門流入身心，充滿正報，盡未來際永爲佛種。

此是無作戒體，無漏色法，由汝增上善心之所感得，是故汝應至誠頂受。

① 參見《傳戒正範》卷四（《正續藏》第60冊・673中、下）；《菩薩戒羯磨文》（《大正藏》第24冊・1105頁中）。

◇經云：能受菩薩（即戒子）不起於座，如故長跪。能授菩薩（即戒師）起座，對佛像前，普於十方現住諸佛及諸菩薩，恭敬供養，頂禮雙足，作白（即下白文）。今準義另加儀則。

●二阿闍黎下座先行，菩薩戒法師在後，至佛像座前，二師分立左右，戒師居中，拈香入觀，三頂禮，長跪、合掌，白云：

仰啟十方無邊無際諸世界中，諸佛菩薩，今於某某省（市）某某寺，此中現有某甲菩薩，於我某甲菩薩所，乃至三說受菩薩戒，我爲作證。惟願十方無邊無際諸世界中，諸佛菩薩第一真聖，於現不現一切時處，一切有情，皆現覺者，於某甲受戒菩薩，亦爲作證，慈愍故。

（第三徧稱「大慈愍故」） 如是三白，謂之三番羯磨。

◆引禮師呼：作禮一拜，合掌。

◇羯磨如法成已，受者即得戒。戒師與二師回歸本座（非似僧法受具，十師俱坐，羯磨應成而已）。

## 十一、宣說戒相<sup>①</sup>

●菩薩戒法師撫尺云：

諸佛子！在家菩薩依《善生經》，有六重、二十八輕戒，應受持。各稱自己法名。

○諸佛子云：弟子某甲。

(一)、六重

第一、不殺生，是優婆塞<sub>夷</sub>菩薩戒，若有犯，非菩薩行，不殺戒能

持否？

答云：能持。

第二、不偷盜，是優婆塞<sub>夷</sub>菩薩戒，若有犯，非菩薩行，不偷盜戒

能持否？

答云：能持。

① 參見《傳戒正範》卷四（《卍續藏》第60冊・676上、中）；《優婆塞戒經》卷第三（《大正藏》第24冊・1047頁上至1050頁中）；《在家律要廣集》卷第二（《卍續藏》第60冊・481頁下至485頁上）。

第三、不虛說戒，能持否？

答云：能持。

第四、不邪淫戒，能持否？

答云：能持。

第五、不宣說四眾過罪戒，能持否？

答云：能持。

第六、不酤酒戒，能持否？

答云：能持。

(二)、二十八輕

第一、不能供養父母師長戒，能持否？

答云：能持。

第二、耽樂飲酒戒，能持否？

答云：能持。

第三、惡心不能瞻視病苦戒，能持否？

答云：能持。

第四、有乞者不與戒，能持否？

答云：能持。

第五、見四眾不能迎拜問訊戒，能持否？

答云：能持。

第六、見四眾毀戒心生憍慢戒，能持否？

答云：能持。

第七、月六齋不加受八戒供三寶戒，能持否？

答云：能持。

第八、不往聽法戒，能持否？

答云：能持。

第九、受用僧物戒，能持否？

（註：未入僧數故不應受，或於寺中暫用非犯。）

答云：能持。

第十、飲有蟲水戒，能持否？

答云：能持。

第十一、險難獨行戒，能持否？

答云：能持。

第十二、獨宿尼寺戒，能持否？

答云：能持。

第十三、爲財打人戒，能持否？

答云：能持。

第十四、殘食施四眾戒，能持否？

答云：能持。

第十五、畜貓狸戒，能持否？

答云：能持。

第十六、畜牛羊等戒，能持否？

答云：能持。

第十七、不儲蓄三衣鉢杖戒，能持否？

答云：能持。

第十八、田須淨水戒，能持否？

答云：能持。

第十九、物價令平戒，能持否？

答云：能持。

第二十、非處時欲戒，能持否？

答云：能持。

第二十一、偷官稅戒，能持否？

答云：能持。

第二十二、犯國制戒，能持否？

答云：能持。

第二十三、新食不供養三寶戒，能持否？

答云：能持。

第二十四、不聽僧止作戒，能持否？

答云：能持。

第二十五、不路讓僧前行戒，能持否？

答云：能持。

第二十六、僧食不公分戒，能持否？

答云：能持。

第二十七、養蠶戒，能持否？

答云：能持。



## 第廿八、路遇病不能視囑戒，能持否？

答云：能持。

◆引禮師呼：作禮一拜，合掌。

## 十二、祝讚回向<sup>①</sup>

●菩薩戒法師撫尺云：

《瓔珞經》云：佛子受十無盡戒已，其受者過度四魔，越三界苦，從生至生，不失此戒，常隨行人，乃至成佛。

又經云：受菩薩戒者，即於此身一念之中，具足八種殊勝功德：一者，趣道場殊勝。譬如大鵬一飛，過十萬里；菩薩發心，受此大戒，越六趣三乘，直至菩提故。

二者，發心殊勝。若人一念發起大悲、大智，受菩薩戒，

<sup>①</sup> 參見《傳戒正範》卷四（《卍續藏》第60冊・675下）。另可參見《菩薩瓔珞本業經》卷下（《大正藏》第24冊・1021頁中）。

即超二乘。如昔有沙彌，侍一羅漢而行，忽發菩提心，求受菩薩戒，此阿羅漢返生恭敬，爲擔衣鉢，讓路而行。

三者，福田殊勝。假使有人，供養滿閻浮提大阿羅漢，不如供一受菩薩戒者，以彼運心廣大故。

四者，功力殊勝。受小乘戒，譬如螢火；受菩薩戒，譬如日光，一切普照故。

五者，滅罪殊勝。受戒破犯猶勝外道，以戒威力，設墮惡道，受罪輕微故。

六者，受胎殊勝。受菩薩戒者，若在胞胎，常爲天龍善神共守護故。

七者，神通殊勝。受菩薩戒者，能攪長河爲酥酪，變大地

作黃金，一念中超越千生，一日內廣度群品故。

八者，果報殊勝。受菩薩戒者，當生蓮華藏海，受法性身，一得真常，永不退轉故。

諸佛子等！汝今既受菩薩戒已，即獲如是殊勝功德，各各善護守持，於行住坐臥、日夜六時，讀誦是戒；猶如金剛，如帶持浮囊欲渡大海，如草繫比丘。常生大乘善信，自知我是未成之佛，諸佛是已成之佛。發菩提心，念念不去心；若起一念二乘心者，即非菩薩。是故應當珍敬，慎勿懈怠！

答：頂戴持。

●菩薩戒法師撫尺云：

以此受戒功德，上報四恩，下濟諸苦，法界眾生同圓種智，

在會同仁共證菩提。海眾同音，念佛回向。

◆引禮師呼：一拜起立，問訊。

◆引禮師舉：

南無本師釋迦牟尼佛！（三稱）

◆三師下座，收佛號。待三師至中間拜墊時，引禮師舉梵音：

三師禮

受戒功德殊勝行，無邊勝福皆回向，

戒子禮

三師禮

普願沉溺諸眾生，速往無量光佛刹。

戒子禮

三師禮

十方三世一切佛，一切菩薩摩訶薩，

戒子禮

問訊

摩訶般若波羅蜜。（師三拜，侍者起具問訊立。）

◆引禮師呼：

諸佛子等！聞磬聲至誠禮謝三師三拜。

◆拜已，呼：

迎請者送三師回寮。（儀仗隊執莊嚴具，送三師回寮。）

○待師出，爲首者云：

禮謝諸引禮師三拜。

◆拜已，接：

禮佛三拜。分班，出堂。

# 出家剃度儀軌<sup>①</sup>

## 一、單白告眾

◇凡欲出家者，須在寺院考察半年或一年，詳審其人無諸遮難。大眾師父觀其品德良好，二時功課能背誦。若經過考察，欲為剃度，應將其人立於眼見耳不聞處，作單白和僧，使大眾知聞。

◆索欲問和：

羯磨師問

僧集否？

和合否？

未受具戒者出？

不來諸比丘說欲及清淨？

僧今和合何所作爲？

◆正作羯磨。羯磨師白云：

上座答

僧已集。

和合。

此眾無未受具戒者。

此眾無說欲及清淨者。

與剃髮羯磨。

① 此儀軌主要參照靈芝元照律師所著《剃髮儀式》一卷，文載《芝苑遺編》卷中（《卍續藏》第59冊）。

大德僧聽！彼某甲欲求某甲剃髮。若僧時到，僧忍聽，與某甲剃髮。白如是<sup>①</sup>。

## 二、預請師法

### （一）、請維那師

○剃度前二日，須預先請維那師。欲剃度淨人共至維那師所，禮師三拜，互跪、合掌，爲首者虔心陳請：大德慈悲！弟子某甲、某甲等，來寺已久，慕出要，欲求剃度，經僧聽許，將於某日某時，於某處，從和尚某甲求剃度。今請大德爲剃度維那，愿大德慈悲教授，授知時宜，慈愍故。（三說，第三徧稱「大慈愍故」。陳請畢，集體禮師一拜。）

維那師答：今受汝請。

### （二）、請和尚

○剃度前一日，須預先請剃度和尚。欲剃度淨人共至和尚處，禮師三拜，線跪、合掌，爲首者虔心陳請：大德慈悲！弟子某甲、某甲等，來寺已久，慕出要，欲求剃度，經僧聽許，將於某日某時，於某處，從大德求剃度。今殷心請師，愿師曲垂接引，慈愍故。（三

① 《隨機羯磨》卷上·十九頁上。

說，第三徧稱「大慈愍故」。陳請畢，集體禮師一拜。）

和尚答：今受汝請。

### （三）、請阿闍黎

○剃度前一日，須預先請剃度和尚。欲剃度淨人共至和尚處，禮師三拜，線跪、合掌，爲首者虔心陳請：大德慈悲！弟子某甲、某甲等，來寺已久，慕出要，欲求剃度，經僧聽許，將於某日某時，於某處，從和尚某甲求剃度。今請大德爲剃度阿闍黎，愿大德爲我作剃度阿闍黎，慈愍故。（三說，第三徧稱「大慈愍故」。陳請畢，集體禮師一拜。）

阿闍黎答：今受汝請。

## 三、選處設座・師僧入堂

◇是日，預先準備臉盆、毛巾、熱水、香水、剃刀、盤子（內襯紅紙）。若多人剃髮，須每人備毛巾、剃刀等。

◆大眾入堂已，維那舉香讚，二師拈香禮佛，剃髮者隨同二師上香禮佛。

爐香乍爇，法界蒙熏。諸佛海會悉遙聞，隨處結祥雲。誠意方殷，諸佛現全身。

南無香雲蓋菩薩摩訶薩。（三稱）



◇二師陞座，和尚左，阿闍黎右，行者堂中長跪合掌。

## 四、正請師法<sup>①</sup>

◆引行者至和尚前，具威儀，長跪合掌，維那師云：

夫以儒敦事父，唯重於成身；釋制依師，務存於學道。庶使四儀軌度，藉此以琢磨；五分法身，因茲而成立。理須竭誠事奉，克志陳詞。今爲汝恭請某某堂上某<sup>上</sup>某律師爲汝作和尚，汝當專秉一心，恭陳三請。恐汝未能，我今教汝。所有言詞，皆隨我道：

◆維那師教念，行者隨：

大德一心念。我某甲今請大德爲和尚，願大德爲我作和尚。我依大德故，得剃髮出家，慈愍故。（三請三叩，第三請稱「大慈愍故」。）

●和尚云：

可爲汝作剃髮和尚。

①參見《芝苑遺編》卷中（《卍續藏》第59冊·638頁上、中）。

◆維那師呼：作禮一拜。

◆拜後，起立，引行者至堂中禮佛一拜，再引行者至阿闍黎前，具威儀，長跪合掌。維那師云：

夫以厭處凡流，忻參寶位。將欲剪除於俗態，理宜警策於蒙心。今爲汝恭請某堂上<sup>上</sup>某<sup>下</sup>某律師作剃髮阿闍黎。汝當專秉一心，恭陳三請。恐汝未能，我今教汝。所有言詞，皆隨我道：

大德一心念！我某甲今請大德爲剃髮阿闍黎，願大德爲我作剃髮阿闍黎。我依大德故，得剃髮出家，慈愍故。（三請三叩，第三請稱「大慈愍故」。）

●阿闍黎云：

可爲汝作剃髮阿闍黎，所有教示，當須諦聽：

●阿闍黎接云：

出家之人，雖高超俗表，爲世福田，禮越常情，不拜君王，不拜父母；然父母生汝，養育恩深，汝當起立，專精拜辭。此之一拜，謂最後拜也。

◆阿闍黎開示畢，引請師引行者至堂中，面朝外，遙拜父母三拜。同時維那舉腔唱云：  
流轉三界中，恩愛不能脫；棄恩入無爲，真實報恩者。（一遍）

## 五、策導禮佛<sup>①</sup>

○拜畢，引請師將行者引入堂中，長跪合掌，阿闍黎云：

毛髮等者，虛幻不實，早生厭患，脫離生死。三世諸佛，不說在家成道；歷代祖師，阿誰行染度人。所以佛佛授手，祖祖傳心，不染世緣，方成法器。上酬四重之恩，下濟群生之苦。今已辭君親，拜別父母，皈投三寶，爲佛弟子。汝當端身合掌，至誠作觀，禮拜十方佛。

◆阿闍黎開示畢，引請師教行者起立，行者中間一拜，西單一拜，東單一拜，再中間一拜。同時維那師舉唱云：

① 參見《弘戒法儀》卷上（《卍續藏》第60冊・582頁下）；《芝苑遺編》卷中（《卍續藏》第59冊・638頁下）。

皈依大世尊，能度三有苦；亦願諸衆生，普入無爲樂。（一徧）

## 六、落髮・披衣<sup>①</sup>

◆唱畢，拜畢，行者長跪合掌。阿闍黎起立，至行者前，以香湯灌行者頂，兩人佐助端盤、盆。維那師舉唱云：

善哉大丈夫，能了世無常；捨俗趣泥洹，希有難思議。

◇唱畢，阿闍黎引行者至和尚前，長跪合掌（本應阿闍黎剃四邊髮，因不便故）。

●和尚云：（或用白話開導）

善男子！斯時諸緣具足，此乃曠劫多生之善因，非今朝偶爾之僥倖。汝當愈加深信，生大歡喜。

●和尚問云：

今爲汝剃去頂髮，可否？

○行者答云：可爾。

① 參見《芝苑遺編》卷中（《卍續藏》第59冊・638頁下，638頁下至639頁上），及《百丈清規證義記》卷第七（《卍續藏》第63冊・466頁下）。

◆和尚起立，兩人佐助端盤，即爲剃之。若人多時，剃頂髮少許，待儀軌畢，再剃亦可。大眾同唱出家偈：

毀形守志節，割愛無所親；棄家弘聖道，願度一切人。（一徧）

◆剃畢，二師復座。維那師呼：

作禮一拜。

◆行者若有衣，行者長跪合掌，和尚取袈裟（縵衣）授與行者，行者頂戴受已，復還和尚。如是三返已，和尚親爲著之，或旁人助之。維那舉唱云：

大哉解脫服，無相福田衣；披奉如戒行，廣度諸衆生。  
三徧（若無衣，則免說上偈。）

◆唱畢，維那師呼：頂禮一拜。長跪，合掌。

## 七、授皈教誡<sup>①</sup>

●阿闍黎云：

今且爲汝受翻邪三皈，汝當至誠皈向，從今以後，盡此形命，誓依佛爲師，誓學法藏，誓同僧海。

① 參見《芝苑遺編》卷中（《卍續藏》第59冊・639頁上、中）。

●阿闍黎教念，行者隨。（三徧）

阿闍黎云

行者答

（各稱法名）弟子某甲，

盡形壽皈依佛，盡形壽皈依法，盡形壽皈依僧。

◆維那師云：作禮一拜，合掌。（三說三拜）

●阿闍黎教念，行者隨。（三徧）

阿闍黎云

行者答

（各稱法名）弟子某甲，

盡形壽，皈依佛竟，皈依法竟，皈依僧竟。

◆維那師呼：作禮一拜，合掌。（三說三拜）

●皈依竟，阿闍黎云：

汝既出家，當依出家法，修出家行；當依良師，習學正法，勤求解脫；切莫作惡破戒，濫汙僧倫，自增苦業。常記此語，以自策勤！

◆維那師云：作禮一拜，合掌。

◆維那師舉唱，二師下座。

遇哉值佛者，何人誰不喜；福願與時會，我今獲法利。

◆唱畢，維那師云：作禮一拜。起立，合掌。

## 八、祝讚回向

○二師至堂中，維那師舉唱：

剃髮功德殊勝行，無邊勝福皆回向。

普願沉溺諸眾生，速往無量光佛刹。

十方三世一切佛，一切菩薩摩訶薩，  
摩訶般若波羅蜜。

◆維那師云：禮謝二師及大眾師父三拜。

●和尚云：禮佛一拜。（或不作答）

◇出堂，剃度圓滿。


◇剃度儀式結束後，新剃度沙彌應共集，禮敬四聖。（祖堂、韋陀殿、伽藍殿、大寮。）





薩 菩 天 尊 馱 韋 法 護 無 南





出資  
普爲讀誦  
受持者回向偈曰  
流通

願以此功德 消除宿現業  
增長諸福慧 圓成勝善根  
所有刀兵劫 及與飢饉等  
悉皆盡滅除 人各習禮讓  
讀誦受持人 輾轉流通者  
現眷咸安樂 先亡獲超升  
風雨常調順 人民悉康寧  
法界諸含識 同證無上道

《三皈依 五戒 八關齋戒 簡法》  
《三皈依 五戒 八關齋戒 儀軌》  
《在家菩薩戒 出家剃度 儀軌》  
合訂本

整理：福鼎平興寺普隱學堂

地址：福建省福鼎市太姥山鎮

郵編：三五五二〇九

電話：〇五九三—七二七七—一八六（客堂）

七七七七五九〇（流通處）

傳真：〇五九三—七五八八—八八〇

網址：<http://www.px.cn>

博客：<http://jie.px.cn>